


EAST ASIAN LIBRARY
UNIVERSITY OF TORONTO LIBRARY
130 St. George Street
8th FLOOR
TORONTO, CANADA M5S 1A5

DS
754
.7
S5
1738
V.89



硃批諭旨

性桂德明朱杰
李秉忠喬于瀛禪濟布
奏摺

硃批性桂奏摺

雍正六年八月初二日大理寺卿臣性桂謹

奏爲奏明事竊臣一介庸愚荷蒙

皇恩命查浙省倉庫錢糧等務臣三月二十六日恭聆
聖訓隨於二十九日起程至四月二十六日抵杭州府

城卽會同督臣李衛觀風整俗使臣許容會疏

題請分任盤查現在州縣倉庫錢糧有無虧空并咨
追案件業經通飭杭州等十一府及派委各員務
將咨追虧空及歷年民欠錢糧悉心稽察不使稍
有遺漏又檄行沿海文武官弁嚴禁米石偷運出

硃批諭旨

性桂

海凡汎口要地嚴加稽察毋致疎縱去後又恐咨
追案件有資財藏匿他所田畝詭寄別戶之處卽
會同出示准其自首請

旨寬免前罪倘仍欺隱察出加倍懲處臣於五月十六

日自杭州起程先抵紹興府查山陰會稽蕭山三

縣咨追案件比別縣更多恐伊等執迷不悟又復

皇恩出示諄切曉諭并飭杭州各府縣一體實力查追

奏

國帑臣正在督令清查間據寧波府屬鄞縣慈谿奉

化鎮海等縣紛紛詳報缺雨隨即批令各屬勸諭

鄉農上緊車戽灌溉臣乘盤查之便於六月十二日兼程星往寧郡所有缺雨各縣於二十八日大雨終日四野霑足目下頻獲雨澤高下田禾俱慶有秋至鎮海縣乃屬近海之區臣親往查看飭令文武官弁兵丁實力稽察毋使米石偷運出洋俱各遵奉加謹防範其寧波府屬咨追各案臣督令陞任知府孫詔補授知府江承玠嚴加查追除已經追解銀四千四百餘兩米穀共三百四十餘石未完銀米等項嚴飭該府等查追不使遺漏臣因紹興府咨追之案甚多故由寧波復至紹郡督令

知府顧濟美台州府同知胡文溥嚴加查追據報
前後共已追完銀六萬八千餘兩其未完案件臣
仍嚴飭該府等再加搜查不使隱匿其寧紹二府
屬倉庫錢糧臣所到之縣親往查驗將徵存銀兩
隨飭二府督縣起解司庫毋任存留滋弊貯倉米
穀飭令該縣加謹收貯修葺倉廩以免霉爛再各
屬歷年民欠錢糧荷蒙
皇恩准令分年帶徵臣於所到之處面飭地方官勸諭
紳衿百姓凡有力之家不必拘分年之限完納果
能於年限分數之外多完者凜遵

諭旨加以獎賞紳衿百姓俱各踴躍輸將矣其雍正三
四五年民欠錢糧自應全完之項臣飭令於秋收
時徵比完報至民欠內有胥役影射者若查出依
限完補之後仍治以侵蝕之罪則將來完補者恐
畏縮不前臣仰體

皇仁飭令府縣勒限嚴追果能限內完補免究前罪至
浙江從前虧空各案現在會同督臣李衛嚴追其
州縣倉庫雖經委員分頭盤察并將各年民欠釐
剔清查臣仍親往各府細心察看今於八月初四
日起身往台州等府料理統容各有頭緒另當

奏報合將寧紹二府各事由先行奏聞謹

奏

覽奏寧波府久晴得雨朕懷深慰清查各事務業有頭緒可謂不負簡命勉力爲之

同日又

奏爲密奏事竊臣三月二十六日恭聆聖訓蒙

皇上諭旨爾到浙江凡有風聞之事卽行密奏欽此臣於四月二十六日抵杭州府城聞得督臣李衛差

理事同知車柏台州府同知胡文溥寧紹分司徐
有緯三人到西興馬厰丈量沙地去後隨即以現
今種有棉花又有泥水難於丈量回稟督臣督臣
云爾等就到將軍處稟知彼時將軍臣鄂密達傳
進三人去云此處原係馬厰時漲時坍何必丈量
再水師營我必要安在乍浦演習兵丁又近便我
差人去看過竝無鐵板沙爾等將我的話告訴總
督等語三人卽回稟督臣竝未回別的話後同知
車柏說將軍大發怒將軍說制臺賞我旗下官員
帽頂也使得麼諸事欺我又說要了戲子的錢纔

不禁止了架出一篇是非後督臣李衛見臣與許容云我與將軍二人之和氣

皇上都是知道的我如何敢惱將軍將軍就惱我我也不肯惱將軍我明日親到將軍處講明必不致傷了和氣我二人失和氣的事小後來

皇上的事關係大就不好辦了次日督臣到將軍處備細告訴將軍臣鄂密達云我何嘗有此話制臺念旗員一時不能措置每人送給帽頂一箇我還甚是感激至如杭城戲子衣穿尚且無有那裏還有送制臺的錢這人人都是知道的彼時說破後至

今相好如初同知車柏係鑲白旗滿洲人進士出身臣素不相識及見有此事臣留心訪問皆云辦事還好此事幸而李衛與鄂密達彼此說明以致相好如初若不然將來不知生出多少事來所關非細臣謹將前後事由奏

聞臣於八月初四日起身到台州等府料理凡有風聞眼見看事之緩急另行繕摺奏

聞謹

奏

凡有所聞咸如此直陳不隱方是至於車柏乃婦人女

硃批諭旨

五

性

桂

子輩之行爲何足挂齒

雍正六年九月二十八日大理寺卿臣性桂謹

奏爲密奏事竊臣於八月初四日起身往台溫處三
府察看倉庫錢糧之便各處留心訪問海外港澳
竝無匪類藏匿只有福建人在此捕魚爲生者不
下盈千纍萬更有往來貿易由內洋順便帶回米
豆麥石者而寧波台州溫州三府屬之民以米易
魚換貨希圖厚利者有之實無接濟匪類之事臣
自台溫處回省之便由金華至衢州府據知府朱
倫瀚云我因辦銅到乍浦訪聞倭子國竟有我們

朕已知之

內地人他今聘請這邊通律例的前去制臺也知

道等語續後臣到省亦向督臣李衛密說督臣云

我早已差人密訪查拏去了再臣向聞得衢州府

南接福建西通江西多有福建廣東江西三處游

手好閒之輩在衢州府屬山內開墾田地任意橫

行無所不為名為棚民不下數萬其來久矣臣到

在昔

棚民何有目今光景經大費一番措置方能如是

帖然

衢州密訪棚民近日光景皆知安分不敢生事再

衢州原係陸路而朱倫瀚因城近江河孔道同副

將知縣不動錢糧自捐俸薪添造哨船遊巡於地

方甚有裨益臣看紹寧台溫處金衢嚴等府知府

硃批諭旨

六

性桂

俱皆實心效力而寧波府知府今陞寧紹道孫詔
温州府知府芮復傳衢州府知府朱倫瀚紹興府
知府顧濟美此四人尤爲明白辦事敬謹小心臣
不敢隱諱謹繕摺奏
聞謹

奏

浙省府道皆係簡用之員又兼李衛察吏公明時加訓
導鼓舞現今官常吏治原無可議所奏俱知道了

同日又

奏爲奏明事竊

臣於八月內自杭起程前往台溫處

三府清查已據各該府及委查官將各縣倉庫錢糧米穀盤查清楚現在俱無虧缺臣業經飭取各府并委查官印結其各縣現存銀兩飭令照數分款起解司庫存倉米穀加謹收貯至金衢嚴三府奉

旨著糧儲道蔡仕艸清查臣亦便道親至三府細詢各該府據金華府稱有永康縣衢州府稱有龍游縣民欠頗多積至十有餘年今已查十分之六七目下漸可查明臣看大槩亦有頭緒矣至從前本省虧空有台屬之天台縣承追前任叅令柯燦年遠

未完一案今據該府縣詳報業已追變完銀三千五十餘兩其未完銀兩尚有查出民欠可抵現在飭令地方官催徵完補至紹興府屬咨追案內除前冊開已追完銀兩外今又據該府申報追變完銀四千六百餘兩其各府咨追等案除有產業欠項可抵之外尚有年久無著者臣仍飭各府縣細查密訪不使絲毫隱匿遺漏再分年帶徵之民欠經臣宣布

聖恩勸諭輸納紳衿士民咸知感戴竟有於年限應完之數額外踴躍多交者亦有欠少小戶竟能全完

者至雍正三四五年分未完民欠錢糧自應全完
之項原不在分年帶徵之內臣乘今歲豐收頻檄
嚴催各縣上緊徵輸不得因循掛欠臣看光景三
四五年之積欠歲內大半可望全完所有臣查過
奏各事宜竝現在情形理合恭摺

奏報伏乞

皇上睿鑒施行謹

奏

料汝斷不爲欺誑之言也朕嘉悅覽之

同日又

硃批諭旨

八

性

桂

奏爲奏明沿海要口添設巡船礮臺以固海疆事竊

臣起身往台時將沿海情形諮詢督臣李衛督臣
奏言及台州之海門前所一帶係屬要口我本身不
能親到當順路查看該地情形如有應添兵目船
隻因地籌畫俟回省之日再爲酌定具

奏今臣清查黃巖縣倉庫之後卽會同調任黃巖鎮

臣方文登前至海門地方察看形勢果屬緊要查
海門一汛係臨海縣所轄之地出口卽屬汪洋大
海乃商漁船隻往來之門戶恐姦匪之徒易於出
入是以有黃巖鎮標將弁帶兵三百名駐劄海門

原有設立礮臺一座防守此處對岸乃係台協前
所汛地原撥有台協將弁帶兵五百名防禦亦有
礮臺一座布置不爲不周但兩岸皆係陸路未曾
設有汛船查此港東通東洋及福建廣東西通黃
巖縣治台州郡城江面廣濶約計十里臣之愚見
應添設小快哨船數隻責令在海門前所兩處晝
夜實力巡察偷運米石夾帶私鹽等弊又黃巖至
海門台州至前所雖設有臺汛數處恐鞭長難及
必於海門至黃巖前所至台郡南北兩岸每隔數
里各設立礮臺一座安設礮位撥兵防守建造營

房永遠居住晝夜不許擅離責令將弁不時稽查
則海疆重地可保無虞而偷運米石夾帶私鹽之
弊亦便於巡緝難以透漏矣再臣到台州太平縣
之寺前橋乃近海之區彼處有水師哨船二隻巡
兵三十名把總一員而温州府屬之樂清縣紅橋
二處離海不過數里雖有陸路官弁兵丁竝無哨
船再平陽縣之江口汛離海亦不過數里雖兩岸
設有礮臺竝無船隻此三處難以巡緝臣之愚見
凡陸路臨河營汛必得照寺前橋之例每汛設立
哨船晝夜巡緝則偷運米石及夾帶私鹽之弊可

除地方匪類亦自聞風斂跡矣今臣於九月二十
二日回省已將看過沿海形勢與督臣面言而督
臣之意亦屬相同現在斟酌妥當另行會疏具
題外所有臣查過沿海情形合先
奏明伏乞

皇上睿鑒施行謹

奏

海邊要隘應加意巡防以備不虞設臺添兵之議甚屬
可嘉

雍正六年十月二十四日大理寺卿臣性桂謹

硃批諭旨

十

性桂

奏爲奏明事竊臣奉

命清查浙省倉庫等務已將查過寧紹台等府事由恭摺

奏明臣復於十月初四日自杭州起程至嘉湖二府

皇上屬查各州縣倉庫已據

題委總查之杭嘉湖道王溯維原任湖州府知府吳

題簡民并嘉湖二府知府將現在錢糧米穀盤無虧

缺臣查驗無異復取二該府及委查官印結存案

至各縣民欠錢糧內有嘉興秀水烏程歸安等縣

緣事務殷繁積欠較多目下尚未查清臣復會同

督臣李衛添委試用人員及佐雜等官分縣協辦
勒限查竣其杭嘉湖三府屬本省從前虧空及外
省咨追各案自臣抵浙委查以來據杭州府屬之
仁和錢塘海寧三縣摺報共追完銀三千二百餘
兩嘉興府屬之海鹽縣冊報追完銀二千六百餘
兩湖州府知府唐紹祖摺報共追變完銀一萬一
千一百餘兩又據紹興府知府顧濟美續報追變
完銀二千五百餘兩其餘未完銀兩現在嚴飭各
地方官上緊查追不容絲毫隱匿再查浙省咨追
案件惟紹興一府最多俟臣將杭州一府查清之

後復往該郡嚴加督察追比其杭州府各縣倉庫

等務容臣查明另行奏

好亦不可過於嚴刻

聞抑臣再有奏者嘉湖二府屬地處水鄉動需舟楫臣

遍歷各州縣見汶河汭港四通八達莫可勝數所以江浙二省之匪類在此二府者居多細查嘉協

額設兵丁一千三百七十餘名湖協額設兵丁一

千一百四十餘名除去隨丁公糧京撥等項名色

雖有一千數百之虛名而無一千數百之實用地

方遼濶汎廣兵單巡察焉能遍及以臣愚見嘉湖

二府屬仰祈

皇上諭准再添兵丁及小快船隻分防於汶河汶港各處巡查庶宵小咸知斂跡矣臣見湖協都司王泓細問太湖情形王泓云湖內有湖協及江南兵丁把守并有哨船可供巡緝其湖邊汶港隘小哨船止可在湖面巡緝不能進港須再得設立小快船數十隻便於進港搜查臣今回省面商之督臣亦以杭嘉湖三協地廣兵少爲慮如蒙

皇上批准臣再會同督臣李衛酌議另

奏外相應將地方情形一併

奏明伏乞

硃批諭旨

三

生

桂

既經與督臣李衛面商諒伊自有措置
睿鑒施行謹

奏

覽

同日又

奏爲欽遵

聖諭密奏事竊臣於十月初四日自杭州起身往嘉湖
二府清查途中聞得臬司有摘印之說臣查完二
府之事本月二十日到省纔知臬司白清爲斷邵
姓家產一案濫用刑夾之故被叅臣隨密訪議論
紛紛不一有云原叅革正白旗漢軍拖沙喇哈番

之類章京謝士英因將軍臣鄂密達與白清有親
而當日邵九臯向在鄂密達門下走動故得乘機
從中舞弊指撞者又有云邵家曾求過鄂密達到
白清處說情許鄂密達銀物託其照拂轉囑願送
白清銀四千兩之數者臣見督臣李衛竝見藩司
臣高斌問及此事皆云白清顛倒是非不無情弊
但將軍鄂密達先叅過謝士英今事之虛實尚不
的確現在審問臣到省聞得如此不敢隱諱相應
奏

聞再東洋託姦商柯萬藏帶著兩箇家人去聘請的九

箇福建和尚被督臣李衛訪知已差人先在普陀山等候俱全行拏獲解到在省矣合併奏

聞謹

奏

所奏二事朕皆已聞之

雍正六年十二月初五日大理寺卿臣性桂謹

奏爲奏明事竊查浙江帶徵民欠錢糧臣屢飭府縣

出示勸諭輸納今紳衿士民咸感

皇上洪恩竟有於應完分數之外多完者其雍正三四年地丁錢糧截至本年五月止各屬共未完銀

七十七萬一千餘兩臣恐各州縣怠於催科則年
復一年又成舊欠且今年收穫豐稔是以臣於秋
收時勒限飭令各州縣乘時作速催徵去後今各
屬頗能上緊徵追而欠戶人等亦皆踴躍輸納臣
隨查藩庫收銀數目據布政使高斌冊開自六月
初一日起至十一月終止各州縣三四年錢糧
除徵存縣庫未經批解外其已解交司庫銀共得
三十二萬八千有奇而歲內尚有二十餘日臣仍
復飭令各屬上緊徵輸源源報解謹將現在追完
銀兩數目繕摺具

奏伏乞

皇上睿鑒施行謹

奏

催科有術朕甚嘉之百姓既咸知感恩踴躍輸納則徵收可不必嚴急爾當密授意於各有司稍從寬緩將朕此意亦密令督臣李衛領悉

雍正七年正月二十五日都察院左副都御史臣

性桂謹

奏爲據情陳明龍神著靈恭請

敕封永鎮海疆以衛商民事竊臣於雍正六年六月間

查寧波府屬之鎮海縣倉庫據該縣鄉民等僉呈
以鎮民僻處海濱田多磽瘠全賴雨暘時若歲獲
豐收邑有蛟門爲東南海口緊要之地相傳龍神
鎮守保護鹹潮如遇旱潦祈求必應商民咸藉以
安今

皇上隆恩浩蕩海宇昇平兼之龍神庇佑得慶安瀾呈
請具

題懇求

聖主賜敕加封庶小民賴以保護地方受福無窮等情
臣隨令鎮海縣查明實蹟去後嗣據該縣詳稱查

硃批諭旨

十五

性桂

得邑誌蛟門山在縣東約十五里環瑣海口有蛟
龍穴時興風浪每年支銷地丁錢糧於六月初一
日致祭龍神載在祀典如遇雨旱縣令虔禱有驗
順治八年大兵征勦舟山出關過蛟門風恬浪靜
及至螺頭門忽起大霧逆不及備遂得登岸圍城
十日破之其後海外餘孽犯關見龍攔潮舟不能
入皆龍神衛護我邑早愆漸末必熟商另列詳以

聖朝之實蹟見於志乘者也等因前來理合據情具

奏仰請

聖裁應否

賜敕加封伏候
皇上批示臣再會同督臣李衛另疏具三十六萬八千

題謹

奏

該部議奏

同日又

奏為恭繳

硃批奏摺事竊臣家人前後兩次齎捧

皇上發回奏摺到杭隨恭設香案跪讀

硃批訓諭臣敬謹遵行望

硃批諭旨

十六

生桂

闕叩頭謝

恩訖所有奉到兩次

硃批奏摺理合恭繳再有

奏者臣清查浙省各縣倉庫時凡見紳衿士民卽宣

布

皇恩勸諭上緊完納今臣行司查歷年帶徵民欠完數

去後據布政司單開帶徵雍正三四五年錢糧續

又解到銀七萬三千五百餘兩連前共已解司銀

四十萬一千八百餘兩尙未完銀三十六萬九千

有零將來蠶麥兩熟於

題銷頂限時所完自必更多再雍正六年分地丁錢糧自開徵起至封印日已收司庫銀一百五十四萬九千九百七十六兩零統計歲內已徵完七分有餘之數較往年亦覺稍增其未完銀兩雖有六十二萬一千八百十八兩零開徵之後尚有陸續趕交可副

題銷之限此係已前辦理者今奉

皇上硃批恩旨臣已密語督臣李衛現在斟酌分別緩急以仰副

聖慈軫恤元元至意理合繕摺奏

硃批諭旨

七

性桂

聞謹

奏

完納錢糧固屬急公然猶爲末節所慶者浙省民情風俗一旦丕變至於如是朕深爲嘉賞汝等皆有功於地方之臣也勉之

雍正七年四月二十日都察院左副都御史補授

漕運總督署理浙江總督印務臣性桂謹

奏爲微臣疊沐

隆恩恭摺奏謝以伸下悃事本年三月十四日臣接准

浙江督臣咨准吏部咨開奉聖五六辛亥州下送

旨漕運總督員缺著副都御史性桂補授性桂奉差浙江有清查辦理之事且李衛奏請進京陛見將總督印務交與性桂署理著性桂於浙江事竣後再赴總天漕之任欽此移咨到臣臣隨恭設香案望

闕叩頭謝

恩恭疏

奏謝外竊臣一介寒微備員御史毫無寸效荷蒙

聖主隆恩超授大理寺卿旋陞副都御史復荷

天恩授臣爲漕運總督又因督臣李衛奏請

陛見將總督印務交臣署理聞

硃批諭旨

六

性桂

命之下感激涕零惶悚無地臣惟有敬謹黽勉罄竭愚

天恩忱冀圖仰報

高厚隆恩於萬一但漕運總督關係輓運

天庾職任甚鉅伏祈

聖慈准臣於浙江事竣後赴京

陛見叩謝

天恩跪聆

聖訓再往新任庶諸事得以敬謹遵循臣不勝感激瞻

戀之至理合繕摺恭謝

天恩伏候

聖旨謹

奏

陛見之行無庸奏請每歲催漕北來即可見朕且不論何職何任但肯公勤辦理無事不克就緒也汝便來京亦不過訓諭此二字而已至於汝所統理諸務朕不洞悉亦無可訓諭者日前趙向奎在京聽其論奏漕務甚覺通透汝赴任時路過蘇郡當詳詢之李衛於諸事練達亦可諮訪其言論也

同日又

奏爲奏明事竊臣荷蒙

硃批諭旨

九

性桂

聖恩命臣署理浙江總督印務業將受印日期

題報在案今臣檢查案卷訪察民情凡有一切應行
事件督臣李衛悉心辦理籌畫得宜臣俱循照舉
行茲浙省士民皆感

皇恩屢沛教導頻施漸成淳樸且雨水調勻春花茂盛
而地方亦屬寧謐恐厪

聖懷謹將現在情形恭摺

奏明伏乞

皇上睿鑒謹

奏

覽奏深慰朕懷

十八日旨欽此

雍正七年五月初二日補授漕運總督署理浙江

總督印務臣性桂謹

奏爲奏

聞事竊照浙省雨水調勻春花茂盛臣已將情形繕摺
奏明今杭處等十一府屬所種春花目下將次收穫
蠶亦甚好其台屬各縣地氣較之省會稍異小滿
後卽插種早禾據黃巖太平二縣報稱入夏以來
缺少雨水臣隨飛檄行查據台州府申報於四月
二十二日起至二十四日郡城連得雨澤四野霑

硃批諭旨

二十

性桂

足等因到臣臣又卽飭該府縣諭令鄉農乘此得
雨之後以時插種臣謹恭摺奏

聞伏乞 皇上睿鑒謹

奏

據奏閩省農蠶俱好台郡亦經得雨朕懷曷勝欣慰

補授漕運總督署理浙江總督印務臣性桂浙江
觀風整俗使署理浙江巡撫事臣蔡仕舫謹

奏爲奏

聞事本年四月十八日有海寧縣民趙聖千持刀將伊

親母謝氏頭面劃傷臣等聞知駭異卽密飭杭州
守喬世臣星赴查察隨據稟稱查該犯素患瘋顛
不時舉發正在發狂持刀之際伊母謝氏向前奪
刀致被劃傷頭顱額面驗明尚可醫治不至損命
已將該犯收禁查律載凡子孫毆祖父母父母皆
斬原無成傷與不成傷之別今趙聖千持刀傷母
雖係素患瘋顛但此等狂疾悖亂之人不可一刻
姑容

聖世若由縣府成招具

題反使得以苟延時日且恐有玷章疏臣等已飭該

縣將該犯立斃杖下以正倫化以快人心理合繕
摺

奏明伏乞

皇上睿鑒謹

奏

所見甚是應如此處斷

同日又

奏爲奏明事竊臣等於本年三月內有臣性桂進摺

家人巴蘭泰臣蔡仕舛進摺家人孫從自京回浙

各據稟稱伊等同行於山東鰲陽地方遇有福建

延建道魏壯家人馬廷錫亦附件同行在舟中據
馬廷錫說我在京聞知
皇上因欽天監啓奏紫微星落在福建地方爲此
特差大人赴閩凡三歲以上九歲以下男子盡行誅滅
等語臣等各聞此言不勝駭異卽同赴督臣衙門
與李衛共商當此太平

盛世

皇恩疊沛海瀝山陬無不淪肌浹髓此等荒誕不經之
說萬不足以惑人聽聞但馬廷錫與臣等家人初
相覲面便敢放言無忌誠恐其到處傳說漸至流

播不可不卽爲查禁特未經提到馬廷錫訊出確
供何敢輕易入人罪

告是以督臣李衛委員赴閩咨提馬廷錫來浙又慮該
犯狡推臣等因遣巴蘭泰孫從同赴指拘對質茲
四月二十六日接准福建督臣高其倬回咨云已
拏到馬廷錫訊據供認訛言不諱但稱係在路上
遇巡察山東御史臣蔣洽秀家人張文修所說已
呈上將該犯解京請案
旨敕部提到張文修質對無庸解質等語移覆到浙臣
等無從再訊合將移提始末繕摺會

奏伏乞

皇上睿鑒施行謹

此事高其倬等業已奏聞矣

雍正七年五月二十七日補授漕運總督署理浙

江總督印務臣性桂浙江觀風整俗使署巡撫事

臣蔡仕舫謹

奏爲奏

聞事竊浙省自上冬至今春瑞雪凝膏惠風敷暢春花

二麥發榮滋茂浙東紹寧台金衢嚴溫處八府地

硃批諭旨

三

性桂

氣較暖於四月內陸續收穫菜花豆子二麥其收成分數自七分至十分不等此八府多種早稻因甘霖連沛俱經插蒔齊全浙西杭嘉湖三府於芒種前刈穫菜花豆子二麥均有七分至十分收成此三府皆種晚稻時雨初晴溝塍含潤農夫乘時插種臣等於本月十八日分頭赴各郊外勸農秧苗遍野欣欣向榮農民歡悅頂戴

天恩至浙省蠶事最爲關係今年蠶絲大熟價復不賤養蠶之家均得大利錢糧爭先完納現屆

題銷雍正六年錢糧合計通省已完十分之九未完

皇上分現在陸續完報臣等謹將查明各屬實在情形會摺奏

聞伏乞

皇上睿鑒謹

奏

據奏菜豆等項夏收分數深慰朕懷至於稻禾必待秋成後方敢釋念也

雍正七年六月三十日補授漕運總督署理浙江

總督印務臣性桂浙江觀風整俗使署巡撫事臣

蔡仕艸謹

硃批諭旨

三

性桂

奏爲據咨密奏事竊臣等准督臣李衛咨開爲密咨
代具

奏覆東洋近日情形事竊照日本叢爾一隅全賴
天朝商販貨物以資食用自開海禁以來每歲賈舶往
來遠夷得沾利濟本職因海洋重大留心稽察上
年查有夾帶違禁人貨出口等弊當經

奏明緣由并將犯出姦商柯萬藏等分別究治一面
密差向在東洋貿易之商人俞孝行醫生朱來章
前往確探信息傳播

皇上德威使之恪恭震服在案查商船回棹貨物向例

大陣四分銅斤六分係彼處海菜等貨名曰包頭客商
止於銅斤得獲利息其餘之貨俱係擡算高價原
無所趁本職於春初未進京之先聞得日本頭目
號爲將軍者將舊有洋客每船給與金片陋規近
又加增每片計八色銀六兩約共值銀二三十萬
爲數過多洋客不能如數夷人皆向彼處通事取
足若輩苦於賠累遂齊行公議將各船所帶回貨
減爲二分半銅斤餘悉盡搭包頭貨物從前每船
該有七百六十箱之銅者今止派四百七十五箱
其意欲使商客折本則去者自少倭目自然著急

而彼可以將金片數目爲酌量核減地步耳夷人正在刁難之際因聞有歲前訪拏夾帶違禁人貨姦商發覺究訊之事彼國頗有懼意今據差往之俞孝行回杭稟稱彼處於今歲三四月間已知有風聲見伊時其通事中有關切者卽告以唐山近日的王家善能覺察甚是利害預先拏了許多違禁的人又要打聽我們日本各樣的消息這邊甚是小心你們不可多說話犯出要剗肚腸的等語其所云唐山王家卽稱呼之貴州新臺其高麗則天朝官府之謂也又據前差之朱來章寄稟回稱此番

皇
到時倭人頗覺疑他留在土庫相待雖優但不令
出來行醫又恐其回來走漏許其船照一張以安
其心目前尚未回到又據商總鄭大山等稟稱有
第二番出去洋商俞枚吉與彼國通事面說一番
道理宣示

皇上德威夷人頗知屈服欲改復舊額仍發四分銅斤
惟恐中原笑其畏懦故同俞姓議定每船將貨加
價少減折頭向日號爲金水銀兩者每萬兩內多
批二三千兩以銅斤補足前數有餘其五月內出
去之船每隻俱許添帶實銀二千兩之貨多准配

銅珠一百二三十箱合來雖與舊額相似而每船較之往日更多便宜利息數百兩或千金不等復據鄭大威於東洋回來投到亦細訊無異其中詳細委曲之處俟俞枚吉七八月間回棹更可一一得其確耗矣事關海洋機務先次差往之人業經探有回信但本職現已聞訃丁憂不敢自行瀆陳相應備敘畧節咨請會同代爲具摺密行奏覆等因准此臣等理合會摺密陳大山等稟請再奏伏乞

皇上睿鑒施行謹

奏 頒 諭 旨 以 姪 愚 另 驚 憂 恩 合

覽奏深慰朕懷凡此皆緣李衛實心任事忠誠體國消
患未萌慮事幾先之所致實屬可嘉

雍正七年閏七月二十三日補授漕運總督署理

浙江總督印務臣性桂浙江觀風整俗使署巡撫

事臣蔡仕舛謹

奏爲密奏事竊照督臣李衛於本月初四日遵假回

籍臣等於初三日到彼敘別督臣屏人密語云江

南福建廣東及浙江杭嘉湖三府有匪類結黨陰

謀我遣人扮星卜打探已查出爲首係江寧人各

硃批諭旨

三

性桂

處分散銀兩結納等語臣等詢其姓名督臣未卽
明言伏查杭嘉湖三府疊蒙

皇上逾格鴻恩民情感激比戶熙恬推之他省亦當如

是至閩廣與江浙陸路寫隔惟海道易通而近年
洋面安靜卽強竊等案亦甚稀少但預防密訪之
舉乃昇平

盛世所不廢況督臣旣於臨行時言之鑿鑿臣等不
敢隱默除一面密行訪察竝飭各鎮協營勤訓練
謹巡緝以爲有備是無患之計至於督臣所言則不
敢稍有洩露以致愚民驚擾理合

奏請我

皇上密飭江南閩廣督撫諸臣一體密察以杜微漸爲

此會摺密

奏伏乞

皇上睿鑒施行謹

奏

此等處乃封疆大臣所當深爲留意者勿謂何害其禍
將大故明者睹於未萌智者備於將然慎莫慢視忽而
不察在凡庸無知或目爲多事殊不知省却無限事也
人咸知督撫搜緝匪類不稍姑息自必斂迹遠遁縱實

硃批諭旨

天

性

桂

無其事亦屬防微善策何況形跡已露乎朕之信任李衛正在此等處嘉其明大體能知地方利害也汝等當效法之嚴加防範絲毫不可踈忽至江南閩廣各省朕俱經密諭矣

奏 雍正七年八月初六日補授漕運總督署理浙江
呈上 總督印務臣性桂謹

奏爲密奏事竊前月初三日據督臣李衛向臣與蔡仕舛密語江南福建廣東及浙江杭嘉湖三府有匪類結黨陰謀我遣人扮星卜打探已查出爲首奏係江寧人各處分散銀兩結納等語業經臣等會

摺密

奏伏思我

皇上深仁厚澤廣被四海凡有血氣者莫不感戴歡呼

共樂昇平但臣身任封疆督臣李衛既於臨行時

言之鑿鑿敢不竭力籌畫預防隨密飭各鎮協營

及各府轉行密飭所屬境內凡有面生可疑之人

詳加盤詰密行稽查如得姦匪實情立即嚴拏解

究仍飭不許兵役總保藉端滋擾務使姦匪無潛

蹤之處小民無驚擾之虞所有臣密飭各屬情由

理合

奏明謹

奏

前既奏過今又照樣抄謄瀆奏是何意見耶此等事當
密爲留心不宜頻頻形之筆墨倘書寫之人不謹或致
洩露風聲甚覺於事無濟誤與汝等庸流言及是乃李
衛之咎洵可謂失言矣

同日又

奏爲奏明現在潮勢平和情形仰祈
睿鑒事竊照海寧塘工劇險今歲秋汐潮勢尤大前經
署撫臣蔡仕艸會同臣將勘過情形及兩次發銀

預備防禦情由

奏明在案嗣因蔡仕舫入闈在邇所有閏七月望汐
經蔡仕舫親往查勘又復

奏明茲八月初一日起又屆初汐之期臣於初二日
親往海寧查勘於潮頭未來之先臣恭設香案率
領在工員弁竭誠拜禱至未時初刻見潮頭自南
席捲而至高有丈許離塘約有半里忽分爲兩股
一股投西一股投東而去餘波纔至塘脚竝不潑
激塘面復有一股小潮由東而來至小文前約離
塘身四五丈遠與分往東去潮頭兩相一擊隨卽

會合仍投西南直去臣在塘觀看深爲欣幸沿塘居民莫不感頌

聖主福庇初三日係大汐之期日觀潮汐安瀾無異平日恐厪

聖懷合將臣勘過現在潮勢平和情形恭摺

奏明再臣於初四日回署接到江蘓布政使高斌密寄字來因謝

恩奏摺內奉

硃批諭旨爾雖已經離浙當再寄字與蔡仕舫等令其極力敬慎預爲防備復誠禱

海神以期感佑庶冀可保無虞也欽此臣跪讀之下仰

皇上敬神衛民之至意查八月十三日又係望汐之期

臣當先期欽遵

聖諭親往虔誠祈禱宣頌

皇仁併親督在工各員加意防禦務保無虞俟臣回署

再將勘過情形另行奏

聞謹

奏

感應之效捷於影響庸愚每信不及然須以忠誠爲國

硃批諭旨

三

性桂

爲民之念上格方能感動
神明鑒佑若將此交孚至理視爲兒戲及或以世俗祈福
私心處之則非徒無益而更有害也朕意致敬盡禮究
不若竭誠輸忠爲尤妙汝等倘不能遵諭從事而徒致
飾於儀文則可惜朕一片爲民訓汝之苦心矣敬之勉
之將此諭與蔡仕勳看李衛回任時亦令知之

雍正七年八月二十五日補授漕運總督署理浙

江總督印務臣性桂謹

奏爲再陳勘過望汛潮勢情形事竊臣於八月初二

日前往海寧查勘塘工業將潮勢平和情形恭摺

奏明茲十三日起至十八日又值望汛大潮之期

復於十二日到海寧十三日欽遵

諭旨虔恭祈禱已於巳時見潮頭自南席捲而至離塘身約有里許分爲東西兩股其東去潮頭與東來小潮一擊仍往西南而去餘波雖潑至塘脚坦水間有衝損因不甚洶湧故塘身幸無坍塌十八日乃

海神誕辰臣於五鼓率領在工各員恭設祭品香燭虔誠致祭宣揚

聖德祈求默佑隨回至九里橋未時見潮頭自南而來

望新其勢與十三日無異臣於前七月因潮勢洶湧故
於望汎之期同署撫臣蔡仕艸往勘潮頭在東念
里亭本月初汎見潮頭退西八里之遠在於小文

前今又退西三里之遠在於薛家壩臣心駭異詢
之在工各官及本地里民咸稱南邊漲沙必然衝
決開濶各潮頭漸漸退向西南此說雖無確據然
潮頭現在漸退向西似乎近理仰賴

皇上福庇如果南邊漲沙漸次衝開潮勢不近塘身則
海寧一帶可保無虞矣至六七等月坍銹坦水塘
身雖經多備柴土隨坍隨修保固無虞但不過一

時急則治標之計今大汛已過自應及時購備椿
石重加修築以防明歲春汛除面諭專管塘工之
杭嘉湖道王斂福等查明估計造冊詳送俟署撫
臣蔡仕艸出場後臣會同覆加確核一面撥給銀
兩作速備料興修一面據實奏
聞所有臣勘過望汛潮勢情形理合

奏明伏乞

皇上睿鑒謹

奏

汝與蔡仕艸慢視海塘幾致誤事今仰賴

硃批諭旨

三

性桂

神明默佑幸保無虞至善後事宜自有李衛旋任經理何
用汝等庸才瀆陳耶

皇上雍正七年九月初八日補授漕運總督署理浙江
奏總督印務臣性桂謹

奏爲奏

聞事竊臣准督臣李衛轉交大學士公馬爾賽等字寄

雍正七年六月初六日所奉

上諭向來各省督撫奏報年歲收成皆云幾分至幾分
不等似此未曾分析清楚未免朦混嗣後可細加分
別一府之中如九分者居十之幾八分者居十之幾

皇照此類推據實奏報則朕可以詳悉收成之分數爾等可寄信與各省督撫知之欽此遵

旨寄信前來等因到臣准此隨經檄行各屬欽遵去後茲據各州縣將本年早禾收成分數逐一分別陸續申報前來臣查各屬早禾俱有十分九分以及七八分收成理合將各屬所報分數另摺分析恭呈

皇上睿鑒謹

奏

深慰朕懷

硃批諭旨

三

性

桂

雍正七年十一月十六日補授漕運總督署理杭

州將軍印務臣性桂等謹

奏爲敬陳禁城重地城上宜建營房仰祈

聖鑒事竊照杭州省城五方雜處居民稠疊內有大小

衙門以及倉庫錢糧所關甚重現在十城門及水

門設有滿洲漢軍各旗官一員兵十五名輪班看

守按時啓閉惟查城上向未設有暮夜巡邏之兵

是以姦巧棍徒每有包攬商稅於夤夜深更將貨

物縋城偷越等弊臣蒙

皇上天恩署理將軍印務隨密諭兵丁在於城上巡察

果獲有半夜上城棍徒二起押發有司審究一面
諄切出示嚴禁隨即撥旗兵一百名輪流巡邏俟
督臣李衛回任時會商永遠巡查之法今督臣業
已到任臣會同詳加商酌禁城重地理應慎密城
上宜建營房爲兵丁棲止之所查城上從前原有
營房基址猶存臣等擬請於舊基處所酌量遠近
復建營房各三間其鳳山慶春艮山三門因跨山
近河偷漏較便尤爲緊要酌量加添約計共十餘
處各派官一員兵十名輪班晝夜專司巡邏稽查
實於地方有益如蒙

聖恩俞允所有應建營房酌動鹽務盈餘銀兩交地方
官確估興建仍隨時修葺毋致傾圯如此防禦不

但

國課有益而匪類姦徒自知斂迹矣臣謹會同督臣

李衛合詞恭摺具奏

伏祈 聖鑒 謹奏

皇上 睿鑒 謹奏

奏

城上設兵巡邏之議可行建造營房當於公項銀內動
用此係創舉應行題請之事另爲妥議具題可也

同日又

奏爲請

旨事竊照杭城駐防滿漢旗兵荷蒙

聖恩垂念籌及伊等吉凶之事

賞撥正項錢糧二萬兩著令營運生息所得利銀酌量

恩賞此實亙古未有之

殊恩臣荷蒙

特恩署理杭州將軍印務受事之後查營運銀兩前任

將軍臣鄂密達將此

恩賞銀二萬兩業已借給滿洲漢軍各兵每月一分取

硃批諭旨

三

性桂

息臣接任後見原任浙江提臣陳天培將
恩賞銀兩分借兵丁奉

旨恩寬著令一一歸還仰見我

皇上愛恤兵丁無微不至今鄂密達所辦之事與陳天

培相同是以臣卽於十月起暫停借賞外臣再四

思維未收回銀兩若一時向兵扣楚實非仰體量

聖主矜恤兵丁之至意臣現將滿洲漢軍每月各扣回

本銀一千兩利銀一百兩計扣至十箇月本銀扣

足其扣回銀兩作何營運之處臣恐一人之見未

能妥協隨與督臣李衛副都統臣偏圖楊長泰陳

皇上士璠等公同商議將前項銀兩或於駐防滿漢旗員人內選擇能員令其承管於省城開張典舖照民間之例十兩以外一分取息抑或照依

恩賞撫標兵丁銀兩之例亦交鹽驛道王鈞於鹽商內查有家道殷實情願領去者使各商連名互結每月按一分生息將每月現收各兵之銀隨收隨放按月卽可得利再浙省入官田畝臣奉

命清查以來應變者屢飭該地方官及時變賣而承買者甚屬無幾或以此項銀兩將入官待變之田畝照依估計報部價值繳貯藩庫將田仍聽原佃戶

租種除完糧公事之外應得租籽交該地方官察
收委令老成旗員會同糶賣易銀交庫俟利息克
足之日再行賞給實可垂之永久而兵丁人等得
沾億萬年之

洪恩矣臣等愚昧敬陳末議三條是否有當仰懇
皇恩採擇批示俟新任將軍臣阿里袞到任時欽遵辦

理爲此合詞具

奏請

旨伏乞人內聖鑒訓示謹

皇上睿鑒施行謹

奏

阿里袞卽日到杭俟其接任後酌量料理可也

雍正七年十二月十一日補授漕運總督臣性桂

謹

奏爲奏

聞事竊臣奉

命來浙會同清查倉庫錢糧等務業將查過情節併造冊緣由先經

奏明在案現據布按二司陸續造冊前來今臣雖已查核完竣但原係奉

硃批諭旨

天

性桂

旨會同督臣及觀風整俗使清查之案必須公同悉心
奏會核方敢分別具

題今封印在邇督臣李衛因地方公務紛繁尚未查
竣容俟查竣會
題之後臣卽赴總漕新任恐厘

聖懷合先恭摺奏

聞伏乞

皇上睿鑒謹

奏

朕另有委任之事如此摺齎回時爾尚未離浙省卽在

杭郡候旨遵行

雍正八年二月初八日工部尚書臣李永陞漕運

總督臣性桂浙江總督臣李衛謹

奏爲遵

旨察審事竊臣李永陞奉

旨前往浙江會同審理所獲匪類一案隨欽遵於本年

正月初七日在京起身至二十二日抵蘇卽傳

諭旨著江蘇巡撫尹繼善飛提署江寧按察司馬世烜

赴浙臣於二十四日直抵杭州當將

上諭分向漕臣性桂督臣李衛各宣示訖節次准臣李

硃批諭旨

三

性桂

衛移送案卷情節併江南解到各犯字蹟符咒邪
法書籍等項前來臣等逐一細加察閱隨准江省
將馬世炳等押解來杭臣等會同訊問將各犯取
供在案伏查馬世炳身受

皇上格外隆恩畀以要地法司重任不能覺察同城反
與姦匪張雲如筆籙往來已爲溺職先或不知其
詳情尚可原及委令緝拏遲延不解竟將搜出不
法字蹟竝不共同點明開清事由件數封貯公所
私留衙署二十餘日意欲何爲又於搜查時私取
一紙既不眼同看明則所稱藥方之處自屬難信

且因程漢瞻前曾幫過銀兩瞻顧私情以寄信喚
來捏爲投到任聽張王金在於署內向馬空北覲
面求情轉以爲親受累代其解紛今奉

旨詢問尚不據實供吐旣以戲謔之語搪塞又以別有
苦衷支吾不思辦理

國家重案自當秉公執法豈可顧慮依違今俱已敗
露仍恃職銜所有通同如何商謀徇庇隱情抽匿
字蹟之處只云實係我辦理錯誤將作弊之處狡
口不承至江寧副將張王金黨庇私親公然囑託
行賄且令千總宋承慧預先通知要犯胡愷公三

日後方拏反羅織無辜又著千總擅拘首人于璉
總甲扑責民人種種不法均干
功令相應一併具摺叅

奏請

旨將馬世炘張玉金革職以憑與張雲如等各犯逐一
訊審實情分別定擬具

旨題除張玉金葛繼孔郭如梗移咨江南督撫諸臣提
解質訊外謹將現在審訊各犯口供另繕清摺恭

呈

御覽爲此合詞會

奏伏乞

皇上睿鑒施行謹

奏

將馬世烜張玉金俱革職拏問嚴審定擬具奏負朕高厚之恩未有甚於馬世烜者殊屬可惡之至卽一面遵諭行文與范時繹尹繼善將馬世烜一應資產搜索封固并將伊子及其得用家人拘禁候旨施行倘有踈縱隱匿情弊惟范時繹是問馬世烜旣知此案敗露必早爲搬運寄頓之計矣當令范時繹尹繼善詳審爲之

雍正八年三月初十日工部尙書臣李永陞漕運

殊批諭旨

聖

性桂

總督臣性桂浙江總督臣李衛謹

奏爲遵

旨察審事竊臣等於本年三月初八日接到

皇上批回臣等前次會奏審得馬世烜張王金通同徇

私作弊緣由奏摺一件公同啓視跪讀隨即欽遵

諭旨將馬世烜張王金鎖拏收禁審擬併差員星飛齎

文傳

旨與江南督臣范時繹撫臣尹繼善密速欽遵辦理去

星上訖查前奏內行提之葛繼孔等先經陸續到浙臣

等於二月十三日會同質訊據葛繼孔已將張王

金請去同伊親家程漢瞻商議不惜身家託其向
馬空北關說爲伊求情朦混開脫復令郭如楸邀
空北至寓飲酒許以事成從重厚謝多金空北彼
時回其同差有人旣恐在江形蹟顯露又慮浙省
訪聞獲罪游移未曾全允等情供出郭如楸始雖
稍有支吾見衆犯已言實情隨亦盡行吐露質之
馬空北三面供詞脗合無異惟張玉金止將馬世
炳轉傳范時繹之意著令通知程漢瞻到寧卽邀
葛繼孔商議央同郭如楸向馬空北求爲照拂併
在臬司衙門與空北叩頭又借查夜爲名時常進

監與漢瞻私相密會之處自認無辭其如何通同
勾結商謀前後行賄根由尙恃有副將職銜不吐
實供臣等於葛繼孔馬空北二人對質明白之後
隨將馬世圻雖許空北提拔功名尙屬事後卽葛
繼孔所言從重厚謝亦未交出現物而空北因何
卽肯甘心不懼

國法竭力爲之朦朧具稟之處向繼孔空北二人細
加詰問據葛繼孔露出馬空北非是驍子自然別
處還有緣故但非伊經手不敢說出等情馬空北
彼時詞色倉皇畧加根究始據供出去年十一月

二十四日馬世烜令同屬回教的揚州人張鎮遠來寓說合云如今有一項是五千晚生要沾光一千你到明年正月到我舖子來兌空北隨問此項到底是誰的鎮遠云是范大人那裏的傍人如何有這東西說明鎮遠卽出去儘晚同他外甥楊進寶來空北寓內卽將五千兩契紙交代空北而去到初三日浙江的差官到江寧提人鎮遠卽不見面了及至空北十二月十三日到杭見過大人見事已敗露將此紙實在燒燬無存當日契上的話空北記的如今錄出願同質對等語臣等當差守

備李壽演齋文前往揚州江寧分提張鎮遠楊進
寶到案質對適因督臣范時繹赴蘇會審王璣一
案該備於常州相遇投文留下問話候示時繹隨
差官星往揚州去後又差千總同李壽演赴寧提
獲楊進寶而張鎮遠已爲時繹所差之官連夜馳
驛先行喚到留在公館轅門維時署臬司劉永鎮
亦因公事在蘇卽備文將張鎮遠楊進寶一同起
解而范時繹與臣等之咨文則稱張鎮遠有病隨
後起解彼此兩相互異皆有印文可據迨張鎮遠
等押解到杭臣等弔犯質審張鎮遠楊進寶不待

刑訊俱各據實供招即將所供情節與馬世炳自

看而世炳垂首無詞臣等伏查此事各官情節皆

出人意料之外者豈止斯案各官而已似此者儘多即

出常人意料之外幸荷

斯案亦非朕之聰明睿智所能覺察因朕生平存不負

聖明洞鑒隱微令臣等會同察審詳慎推問今已盡行

人之心以故但有負朕者皆蒙

敗露馬世炳亦於未經奉

上天神明鑒照一一令其自行敗露也歷觀

旨革職之先即皆供認惟張玉金尚未全認現在遵

天道之感應迅速如是可以人而不知敬畏凜惕乎三人

旨嚴審務得確情定擬

行必有我師之語卿等時當三復以自加勉可也

奏覆至本案各匪犯臣等俱經陸續會訊互相質對

有直認正情無俟推鞫者有始猶狡口畧加嚇問

盤詰即行實供者似此重案半夾不過四五人且

硃批諭旨

器

性桂

多被拏獲棍徒不致脫漏業已逐名審完其中有
謀匪未成及造言惑衆或從前叛案漏網或被誘
奏附和好事之輩情罪輕重不等現在彙核各供分
別定擬另行具

題合將近日所審情形

奏覆竝將奉到

硃批原摺恭繳謹

奏

詳覽所奏洵屬大奇朕諭不謬於斯益可見矣誠僞三
字何能逃

上天之鑒耶俟具題到日有旨

皇上雍正九年十一月十五日漕運總督臣性桂謹

奏爲遵

旨密行奏

聞事竊臣接准大學士臣張廷玉等字寄內開奉

上諭江興二衛應追鑽夫底料銀兩朕已降諭旨開恩
豁免但嗣後支給或照定例仍給鑽夫銀五十兩底
料銀五十兩或從前給發此項銀兩之時上下扣剋
原有浮冒虛銷朕以國家之加恩施惠務在受者得
其實濟鑽夫底料如實係給與成造之旗丁則自應

硃批諭旨

望

性

桂

照例賞給如徒爲官吏分肥旗丁所得無幾是豈施
恩立法之意乎爾等寫字與性桂令其詳細確查將
嗣後支給銀兩應否照從前之數酌定密行奏聞朕

再降諭旨欽此遵

旨寄信前來臣遵查得江興二衛鑽夫底料銀兩從前
開事原由糧道給發衛守備轉發各丁經管書役人等
冒密紙筆飯食之資各丁不免亦有所費如浮冒虛銷
奏扣剋分肥等弊臣詳細密查實無確據嗣後倘蒙
皇上隆恩仍准給發臣自當仰體
皇上加恩施惠務在受者得其實濟之至意嚴飭該道

衛凡從前旗丁所費陋規概行永禁臣仍不時密訪嚴查如有違犯官叅吏處再查旗丁成造漕船所領料價不敷又無贍田幫貼故加鑽夫底料除鑽夫銀五十兩原無增減其底料一項係以十分計算每分銀五兩一錢若無底料者則全給銀五十兩有零或有底料不足則照不足分數補給是以合之鑽夫一項或有共給一百兩有零者或有共給五十餘兩以及六七十兩八九十兩不等者惟俟臨時查核底料乃有給發確數如蒙

皇上特恩嗣後仍照定例賞給自當臨時飭令道衛查

硃批諭旨

聖

性桂

皇上明酌定給發臣未敢擅便伏候
諭旨遵行謹

奏

該部議奏

雍正十年十二月十七日兵部尚書暫行署理漕

運總督印務臣性桂謹

奏爲奏

聞事本年十二月十四日據浙江杭屬富陽縣知縣朱

永齡呈報米價單內開上白米每石紋銀一兩八

錢中米每石一兩七錢糙米每石一兩五錢等情

臣又聞寧波台州等府米價亦貴目今價值如此
恐春天又長臣之愚見或將浙省本年糧米截留
三四十萬石或將浙省積貯倉穀不拘存七糶三
之例多糶數十萬石分撥米貴之各州縣令其確
訪時價酌減平糶則米價可平臣仰體

皇上念切民依愛育羣黎之至意今據該縣呈報時價
與臣所聞寧台等府米貴情由理合恭摺奏

聞是否有當伏乞

皇上睿鑒施行謹

奏

截留浙省漕糧及平糶倉穀之奏已命廷臣議覆今將
所議發來汝看

聞具否亦當分

與臣聞寧台等米貴由聖合恭附奏

皇上念民艱於愛育羣黎之至意今蘇省縣呈請

請報買酒燕平糶米價可平

奏乞國交糶糶十萬石以蘇米貴之各州縣令其

開事三四十萬石以蘇米貴之各州縣令其

恐春天又昇引之愚見近蘇省本平糶米請留

臣又聞寧台等米貴目今買米收

硃批德明奏摺

雍正四年十二月二十八日山西巡撫臣德明謹

奏為奏

聞事臣遵

旨於十二月初八日自京起程於十六日入山西境至

二十日抵太原府巡撫衙門到任經臣先後具疏

題報在案臣自入境後沿途過平定壽陽樂平孟縣

榆次太原陽曲各州縣地方留心體看俱得雪九

寸至一尺二三四寸不等及臣到任之日查閱通

省各府州縣地方報雪文卷俱報得雪已經霑足

硃批諭旨

德明

口放言耶百凡處惟當克誠克敬盡人事以待

天此等狂妄矜誇之心不可存此等無理不經之言尤不

聖主至誠格天降此歷年未有之瑞雪與晉省山坡地

上天之恩何敢預定此明歲二麥定獲豐收再省城米價現

業寅畏之念弛矣米價平減是乃六分二釐麥子九錢九

上蒼錫福之日趁此亟宜勸諭百姓蓄積不得狼藉五穀

更當留心設法以克裕倉儲為要勉力率屬為之

平之福除臣面奉

訓旨事宜容臣次第詳晰確查具

奏請

旨遵行外所有臣入境後查訪地方得雪米價平減緣

聖主由理合繕摺奏

聞以慰蒸業業實小升事以明仰
聖懷謹思

奏

爾此奏不但不能慰朕徒煩朕心摺內定獲豐收米價
甚賤二語殊無足取朕以爲爾知朕意赴任後必能仰
副所以甚爲晉省寬懷今覽初次奏摺光景殊不能體
朕之意矣奈何

雍正五年正月十九日山西巡撫臣德明謹

奏爲欽蒙

硃批諭旨

二

德明

聖訓恭謝

天恩事竊臣標把總齎回臣奏地方得雪米穀時價一

摺蒙

皇上硃批誠訓周詳深切臣跪讀之下惶悚無地伏念

臣愚昧無知於到任之初不能仰慰

聖懷乃以矜誇放縱之言附入奏摺煩瀆

聖心臣實愧悚之至今蒙

皇上天恩誠訓諄諄臣惟有欽遵

訓旨兢兢業業實心任事以期仰副

聖主諄切教訓之

隆恩所有奉到

硃批理合恭繳謹

奏

一切處不可率易遇好境不可肆志但以敬慎二字處之無往而不是矣

奏同日又

奏爲奏

聞事竊臣欽遵面奉

上諭於到任後查訪得鴈平道謝王寵爲人執拗伊任
執拗微疵猶屬無妨但最伊不可務虛名
內之事尚能辦理居官操守好凡伊屬員皆奉公

硃批諭旨

三

德明

守法於地方尚屬有益之官所有微臣察訪過緣
由理合繕摺恭

奏仰祈

皇上睿鑒謹

奏

謝王寵不失爲端方正直之人若不迂腐則甚可任用

雍正五年二月十三日山西巡撫臣德明謹

奏爲奏

聞事竊晉省錢文一事臣於湯山

行宮面奉

上諭令臣將民間廢銅多多收買設局鼓鑄試看欽此
欽遵臣到任之後卽查各州縣收過廢銅數目止
據祁縣等五十九州縣共收過廢銅三千四百三
十斤四兩共收過小錢計重九千四百三十一斤
臣恐地方官奉行不力以致民間觀望遷延藏匿
不交臣卽嚴飭各州縣實心奉行將廢銅多多收
此事急迫不得恐地方不肖官吏借此滋擾惟宜徐徐
買又恐有姦民射利銷燬制錢情弊臣亦通飭各
設法勸諭廣布耳目同察屬員之奉行善否多方懲獎
以收實效觀汝徒恃法令似近強逼或止行之於省城
等將舊存黃銅器皿盡數交官領價勿再遲延觀
庶幾猶可
望外所有現今收過廢銅數目理合繕摺奏

聞謹

奏

固不宜懈亦不宜急凡事如此方為得中

同日又

奏為奏

聞事竊臣到任後查原任兵部武選司員外郎崔致遠

係曲沃縣人嗣曲沃縣知縣葉華晬到省臣即問

該知縣聞崔致遠在籍甚不安分從前曾約束訓

飭他沒有隨據葉華晬回稱崔致遠居鄉人皆說

他不安分但無確實款蹟前任總督伊都立曾令

聖恩知縣查過等語臣卽諭知縣葉華暉崔致遠在地
方上不安分不可給他體面卽出示嚴行約束不
皇上時差人訓飭不許他在地方上妄行多事臣亦時
科世加嚴飭外理合繕摺恭 日奉

奏伏祈

皇上睿鑒謹

奏

觀此則葉華暉必有科甲年誼所以彼此互相袒護如
葉華暉果係沽名釣譽取媚紳衿之員則當一體叅處
旣據鄉人僉有不安分之語豈竟毫無確據此等巧詞

只可朦混伊都立德明等巡撫耳設云崔致遠居鄉安
靜守分反爲近理可信若似此不卽不離依違兩可之
語朕前如何行得縱該縣不肯秉公據實直言爾等豈
再無訪聞之術耶此奏甚屬不合

皇上同日又

奏爲恭繳

硃批事雍正五年二月初二日奉

皇上硃批訓旨臣跪讀之下感激涕零竊臣至愚至陋

荷蒙

聖恩特授巡撫重任臣雖事事實心加謹辦理每多失

於粗率時切惶悚今蒙
皇上訓諭敬慎二字實居官行事之寶鑑臣銘心鏤骨
永遠遵守刻刻以敬慎二字存心行事庶將來獲
免過愆皆荷

皇上洪恩教訓矜全之所賜也謹將奉到
硃批原摺恭繳伏祈
睿鑒謹

奏

教訓何惜矜全莫望凡事須還朕一是字方可

雍正五年閏三月初七日山西巡撫臣德明謹

硃批諭旨

六

德明

奏爲奏

聞事竊臣前奏沁水縣店家廉崇照代吳奇明赴縣遞

奏呈一案續據沁水縣報稱選差的役押同店家追

至翼城縣地方拘獲原具呈人該縣訊據供稱實

名李亨榮係臨汾縣學生員又追獲同行入田帝

簡該縣小心看守按時給以飯食李亨榮堅執不

食此二犯該縣現在起解赴省尚未解到又據臣

差千總前赴臨汾縣拏獲李明端併田帝育之父

田自香趙學朱之弟趙學鼐押解到省又據臣差

守備前赴直隸任縣拏獲張文斗張祿紫張弄戈

張文標段奇劉起鳳周有懷田帝育在各家細細
搜檢竝無簿籍等物惟張文斗家內搜出長鎗一
杆腰刀一口又赴南和縣拏獲趙學朱稟報到臣
是案內要犯已經就獲俟押解到日臣卽審明虛
實另

奏外所有獲犯緣由理合先行奏報
聞謹

奏

李亨榮始初尚欲投案作證今經就獲而反不食難解
其意矣總之審明自得真情亟當細心研究不可冤抑

殊批諭旨

在批諭旨

七

德明

無辜至追獲此案之捕役人等宜重賞以示鼓勵

雍正五年閏三月十二日山西巡撫臣德明謹

奏爲奏

聞事竊臣屬太原府地方於本年閏三月初二日得雨一寸有餘初三日得雨二寸有餘初七日得雨三

寸又據各屬陸續申報均於初一初二初七等日得雨五寸四寸不等四野霑足麥苗長發茂盛秋

田俱已播種理合繕摺恭

奏再查沁水縣所獲遞詞人李亨榮等又臣標守備

此案當虛公竭力詳細審訊於中甚有難明處在任縣拏獲張文斗等俱於本月十一日解到太

原臣現在究審合併

奏明伏乞

皇上睿鑒謹

奏

知道了

硃批諭旨

八

德明

據奉 聖 旨 追獲此案之捕殺人等宜重賞以示鼓勵

雍正五年閏三月十二日山西巡撫臣德明謹

奏為奏

聞事竊臣屬太原府地方於本年閏三月初二日得雨

一寸有餘初三日得雨二寸有餘初七日得雨三

寸

又據各屬陸續申報均於初二初三初七等日

奏得雨五寸四寸不等四野霑足麥苗長發茂盛秋

星土觀鑒藍播種理合繕摺恭

奏聞伏乞 聖 鑒 奏 奉 聖 旨 該部知道欽此

臣等與臣等奏審合冊等俱於本月十一日解到太

硃批朱杰奏摺

雍正六年六月二十一日福建汀州總兵官臣朱

杰謹

奏爲奏

聞事竊臣叨沐

皇上格外殊恩擢用今職履任以來日切冰兢恒虞隕
越惟時飭晝夜巡防消弭姦宄文武和衷地方寧
謐以仰副

皇上宵旰勤勞之至治今春雨暘時若農務耕種入夏
又風調雨順秋成豐稔第汀州一郡地處巖谷之

硃批諭旨

朱杰

中山多田少素非產米之區惟藉江右挑販接濟
若江右獲遇豐年則汀郡竝受其福臣自上年九
月抵任迄今數月以來白米價值每石一兩一錢
麥每百斤價值一兩三錢戶慶盈寧兵民樂業理

皇上合繕摺奏
聞伏乞

皇上睿鑒謹

奏

據奏汀郡山多田少素非產米之區惟藉江右挑販接
濟等語如今歲江右之收穫卽不爲豐稔可奈何大凡

本土不敷所食而藉他處以爲接濟者皆緣百姓不肯服勤務本未盡地力之所致耳若果山不可耕居民亦必稀少斯人斯土未有盡地力而不敷食用之理當勸諭兵民務農敦本毋循舊染怠惰之習竟以爲分應如是也將朕此諭亦通知有司各官令其領悉

汀州一鎮緣陳有功罪魁久任十八年以致廢弛不堪大抵兵丁老弱隊伍不齊盛甲器械敝毀銹壞陳祖訓接任後又復因循未理至初有德署事力爲整飭方少有可觀朕之所聞營伍情形如是果不謬否汝承此敝壞之後當倍加心力整頓萬不可苟且塞責況今廢弛

日久甲冑器械縱需費用猶易料理至於兵丁必皆偷
安習嬾荒怠性成若不大費一番精神教導訓練何能
改絃易轍倘或以咎在前人於己無涉而推諉膜視則
罪更勝於陳有功也勉爲之此等處因汝竝未奏及朕
疑有隱匿瞻顧情景所以諄切降諭汝意豈欲效法陳
有功之故步耶

同日又據本冊前書榮京前之督責以爲食熟咬
必奏爲微臣教子不嚴瀝陳請罪仰祈
睿鑒事竊臣猥以庸愚荷蒙
皇上隆恩兩畀封疆重任而臣子朱常表於雍正四年

閏丁未月十八日以廕生改武蒙署容引著實錄附錄
皇恩賞賜藍翎粘桿行走是臣一門父子均受

天高地厚之深恩雖捐糜頂踵不足報稱萬一乃本年
五月二十三日臣子朱常表回抵臣署具陳於雍
正五年十二月二十六日粘桿大人帶領引

見以差使懶惰奉

旨革退於本年正月自京起身因憂悸患病一路耽延
至今未愈臣聞不勝悚慄痛加懲戒泣思臣受

國家殊恩豢養四十餘年雖不敢謂奉職無愆竝不
敢少有懶惰而臣子朱常表乃不肖若是良由臣

教子不嚴以致隕越罪何可逭理合卽時具摺請
罪緣臣恭請四十餘年雖不煩謁奉艱無恙並不
陛見伏候未愈聞不親到京師伏思臣受
敕旨茲於六月十八日蒙兵部劄行到臣奉一劄據
旨朱杰不必來京陛見該部知道欽此臣隨望

闕叩頭欽遵外惟有竭盡駑駘保固地方和輯兵民以

仰報

二十三日

臣朱常表

回京

署具

刺

奏

皇恩於萬一耳抑臣竊有冒請者臣子朱常表初得奔

皇恩走

謁

謁

謁

謁

謁

謁

闕下冀稍成立以圖報效今在臣署容臣著實教訓鞭

策勉其成人倘邀聖

皇上宥過之仁予以自新之路發在苦差行走練習勤
謹皆出自

特恩殊典格外栽培臣一片愚誠罔識忌諱不勝激切
待

命之至謹
奏

子弟之賢與不肖何能強其必然爲父兄者只可盡其
在己之道汝此子甚屬平常似非教訓鞭策所堪造就
者朕每於督撫提鎮之子姪中擇其可望成立者留京

教導以爲將來任使之用耳其如朽木糞土何八旗行走苦差之人頗不難得奚用汝等子姪克數強留之或恐反累及汝等朕深知無益所以將難望成立之輩悉皆發回也

命之雍正六年十月初二日福建汀州總兵官臣朱杰謹

奏爲遵

旨奏

聞事雍正六年九月十九日臣家人齎摺回汀恭捧
硃批諭旨臣恭設香案望

闕叩頭謝
恩訖伏讀

聖諭臣遵卽將

旨意通知汀州府屬有司官勸諭兵民務農敦本盡地
力以敷食用不可因循舊染惰習仰藉他省之接
濟除實力奉行外臣查得汀郡本年入秋得雨晚
禾有九分收成豆麥較上年有十分收成民人樂
業地方寧謐伏乞

睿鑒至於汀州營伍前鎮臣陳有功在任十八年諸凡
廢弛種種不堪臣前任興化副將時卽已周知素

所鄙薄陳祖訓接任亦屬因循營伍情形誠如素

聖諭臣以菲材受

皇上擢用隆恩惟有竭盡心力料理整頓雖肝腦塗地

亦屬不辭復何敢以咎在前人推諉苟且復蹈陳

有功之故步臣自到任以來凡遇將弁諄切教誡

老弱兵丁悉已汰除甲械皆各整齊臺汛俱行飭

修按期操練時刻察訪務求營伍改觀以仰報

聖恩於萬一茲伏讀

聖諭未見臣奏及此臣不勝惶恐戰慄臣實見識愚昧

以事必著有成效方敢據實具奏惟有仰遵

敕諭開載事宜朝夕諷誦實力奉行無敢因循怠忽以

盡職守今蒙

皇上指示嗣後有當奏

聞容臣繕摺具奏臣不勝惶恐戰慄之至爲此謹

奏

好勉力爲之果能克盡厥職朕自有鑒照也

雍正七年三月二十二日福建汀州總兵官臣朱

杰謹

奏爲奏

聞事竊臣於雍正六年九月欽奉

硃批諭旨

六

朱杰

御批摺內以汀郡食藉他處皆緣百姓不肯服勤務本
未盡地力之所致當勸諭兵民務農敦本未有盡地
力而不敷食用之理大哉

王言誠足食裕民之要道當經通知汀郡有司遵行外

時維十月萬寶告成民人收穫蓋藏之後正臣巡

奏查各汛之期隨於十八日輕騎減從親往巡查各

間容汛覈其名數虛實考其技藝優劣分別勸懲於衝

皇上僻要害處所添兵責令汛弁防守因於巡歷之時

兼察民情風俗由縣治而過接見有司紳衿臣則

速備宣布事宜

聖諭使之勸諭民人當盡地力以敷食用其由郊野所
經當人煙輻輳之處臣亦親講

聖諭從容勸導兵民間之莫不歡欣鼓舞臣於十一月
十六日巡察各汛事畢方抵臣署至於本年陸路
提臣石雲倬爲奏請公糧等事除營中各官隨丁
外每兵百名收入守糧三名爲軍裝之需奉

旨允行在案因公糧一時難於驟得臣先將本身隨丁
糧內每營捐出四分發交三營將備爲營中軍裝
之需俟公糧滿日則由把總千總守備遊擊至臣
以次仍照原額收回現今臣標修造盔甲一百頂

副已經造完送督提二臣閱驗訖其三營之排鎗
籐牌腰刀大刀應行修改者俟完竣之日另摺奏

聞又本年爲欽奉

上諭事部議每兵一千名配威遠礮四位其子母礮應

行解京臣標向無威遠礮今每營各將行營礮四

位暫克威遠礮現在操演三營共應製造蕩寇礮

一十八位以抵子母礮方符兵千礮十之數臣現

差把總赴省製造尚未回營其旗幟號衣器械等

項隨時修理務極鮮明臣標三營馬步兵丁逐日

望訓練時加考核今技藝稍有可觀但必求其精熟

此則臣職之所當自盡者也汀郡入春以來雨水
調勻麥苗茂盛茲當播種之時米價均平兵民樂
業臣謹將地方營伍情形繕摺具

奏伏乞

皇上睿鑒謹

奏

覽奏深慰朕懷但一切奏聞務須據實直陳不可絲毫
粉飾涉於欺誑

雍正七年九月二十一日福建汀州總兵官臣朱

杰謹

硃批諭旨

八

硃杰

奏爲據實奏

聞事臣伏讀辛巳八月二十一日諭數言朕辦兵官至未
殊批諭旨感懼交集竊臣賦質庸愚知識淺陋自任遊
擊以至偏裨惟以無欺爲本歷奉上司所言所行
未嘗敢有一毫欺誑因得循分供職雍正五年臣

皇上年六十七歲荷蒙

皇上擢臣總兵格外

隆恩天高地厚自矢報

主之心長恒恐效力之日短當此而尚懷粉飾臣雖至
愚斷不敢出臣今將臣標近日營務情形謹爲我

皇上陳之除前修造盔甲改造排鎗經臣具摺奏明者
奏不敢復瀆

宸聰臣標三營籐牌手向用腰刀未能如式現在改造
牌刀一百口復添造牌刀一百一十口每營分配
七十口共改造牌刀二百一十口併前修理籐牌
一百面又修理籐牌一百一十面俱已完竣又修
造護礮大刀閩營呼爲雙手帶共六十把製造長
鎗共一百五十桿各營分配亦已完竣又臣標應
製造蕩寇礮一十八位以抵子母礮臣前差員赴
省局製造今已完竣又臣標三營龍燾原各十二

梠而外汛間用飛虎旗新舊參差不一今三營各
製造綠緞龍纛八梠共二十四梠合成龍纛六十
梠存城存汛一色鮮明俱已完竣所有前項器械
礮纛經臣差員齎送督撫提臣閱驗訖其餘軍裝
隨時修整臣標三營馬步兵丁照常操演而近日
尤覺矢志上進皆由二百一十口掛前參駐纛輒

皇恩浩蕩兵心感激而然也所有營務情形理合據實
奏伏乞 聖鑒效力之日短當此而尚懷粉飾臣雖至
皇上睿鑒謹 奏

奏

覽奏知道了砥礪操守最爲要務汝等武臣於此多不
檢點徇目前之小利忘身家之大害者十居八九況血
氣旣衰戒之在得尤爲難事勉爲之莫負朕恩保全始
終留令名於子孫勝如金帛田產多矣切勿輕重倒置
勉之慎之

雍正八年三月二十二日福建汀州總兵官臣朱

杰謹

奏爲據實奏

聞事竊臣跪讀

硃批諭旨

十

朱杰

殊批諭旨感激涕零懼併汗集伏思人臣文武雖屬分

奏途而報

國之心則一武臣中往往不知檢點徇目前之小利

忘身家之大害者誠如

聖諭蓋輕重不容倒置公私不能竝立惟一念稍涉於

私則身家之念重奉公之念輕遂至蕩檢踰閑無

所底止臣居官日久見武臣中有操守好者身名

俱全未嘗不肅然加敬有操守不好者身罹法網

貽害子孫未嘗不悚然加懼也且人年老戒之在

得

聖訓昭然夫利令智昏雖少壯亦且不免況垂老之年
桑榆暮景冀圖小利以爲身後之計不知立身一
敗萬事瓦裂福善禍淫天理不爽妄求所得究與
己身何涉臣雖至愚頗惜廉恥任事以來夙夜戰

兢今蒙

果能言行相符更有何可諭耶

皇上教訓指示深切如此敢不益加詳慎勉圖報效臣
敬謹鈔錄

聖諭朝夕供奉觸目警心矢志不移務期保全一生無
負我

皇上擢用教養之隆恩而已臣標營務情形經臣具摺

皇奏明不敢復瀆

宸聰所有臣標三營馬步戰守兵丁盔甲臣公商之將

望備等閱驗挑出現在披戴新鮮花素盔甲一千四

百四十頂副尚宜修造花素盔甲一千四百一十

頂副所需銀兩臣俱設法借貸於舊年十月內興

工至今年三月完竣其借貸之銀按季公糧關出

清還至於臣標兵丁照常操演觀風整俗臣劉師

恕巡視到汀已於三月二十日同臣閱驗訖汀郡

舊冬十分收成實爲數十年未有之豐登今春正

望晴二三月米每石價銀八錢五分麵每石錢九百文

深慰朕念

雨水調勻禾苗種植二麥秀茂地方寧謐民人樂業臣謹據實奏

聞謹

奏

覽

雍正九年三月十五日福建汀州總兵官臣朱杰

奏爲據實奏

聞事竊查汀郡八邑今春雨暘時若二麥十分秀實現
在米價每石銀七錢地方寧謐民人樂業臣標三

硃批諭旨

十二

朱杰

營製造盔甲器械經臣陸續摺具人樂業引縣三
奏茲軍裝軍需隨時修整按季冊報督提二臣察核
不敢復瀆

宸聰臣標三營兵丁按期操演技藝頗諳有志上進各
安營伍臣謹據實繕摺具

奏伏乞

皇上睿鑒謹

奏

覽

凡百據實無纖毫粉飾之辭方爲不欺也

雍正九年十月十九日福建汀州總兵官臣朱杰
謹奏為據實奏

聞事竊查汀郡夏秋以來據各屬所報亦有晴雨不齊
皇上但晴久卽雨雨足而晴竝無旱澇之患是以閩省
八郡年成尤推汀州為最現今米價每石七錢民
人樂業地方十分寧靜臣標三營本年四月內製
造會哨循環號旗一十二面六月內製造帳房一
百五十頂又製造大緞纛二十六桿副什長旗一
百三十桿面紅旗二十六面其動用公糧銀兩數

目俱經該將備等造冊報明督臣提臣察核兩
奏銷此九月二十九日觀風整俗臣劉師恕巡視到
汀同臣於十月初六日閱操訖各兵技藝較前俱
覺純熟臣不敢毫有粉飾謹據實繕摺具具內
奏伏乞 皇上睿鑒謹
皇上睿鑒謹
奏
覽奏知道了操守爲第一要務時自檢查不可少忽

雍正十年四月十六日福建汀州總兵官臣朱杰

謹

奏爲據實奏聞事雍正十年正月十六日臣齊摺家人回汀捧到硃批諭旨臣恭設香案望闕叩頭謝恩訖伏讀

聖諭操守爲第一要務時自檢查不可少忽欽此臣於雍正七年十一月初四日蒙

皇上硃批臣摺砥礪操守最爲要務汝等武臣於此多不檢點徇目前之小利忘身家之大害者十居八九況血氣旣衰戒之在得尤爲難事勉爲之莫負朕恩

保全始終留令名於子孫勝如金帛田產多矣切勿
輕重倒置勉之慎之欽此臣敬謹鈔錄
聖諭朝夕供奉觸目警心務期保全一生無負
皇上擢用教養之隆恩茲復仰承

天語煌煌臣敢不益加勉勵臣竊思武臣之務誠莫要
於操守而操守之端與不端比文臣之賢否尤爲
易見蓋兵只有此數非如百姓之散處不齊朝夕

皆有見聞操守旣端則號令賞罰兵皆肅然而畏
言易行難勉實行與朕觀之空言何足爲貴

間事帖然而服視之如嚴父慈母焉若操守不端或偏
奏執已意或瞻徇情面言出而兵不信法嚴而兵不

服噴有煩言甚且互相詆毀此前車可鑒也臣自
初任遊擊卽誓不賣一糧不虛一餉與文官同城
公事相見外毫無交結從不說一情講一事歷任
至今惟有清白乃心始終如一以自刻勵上司文
武莫不共見共聞總求上無負於

國家下無愧於兵民而已上年臣標蒙

皇上恩賞生息銀一萬二千兩臣以汀郡地僻民貧難
於營運又恐付託非人貽誤不淺是以懇呈督臣

劉世明

題請就省給交鹽驛道楊弘緒收貯代爲運鹽生息

自雍正九年二月二十五日起據鹽驛道咨報每

季得息銀四百八十兩零至今年二月四季已足

應得息銀一千九百二十兩俱現貯道庫臣伏思

皇國帑一萬二千兩而其爲息計自分毫一年之內積

成一千九百餘兩倘委託非其人年久月深授受

之際幾微不清則爲操守之累不少矣臣所以力

請代

題營運三營官兵咸共諒而胥服者也臣敢因

聖諭而據實陳之伏惟

聖明照察汀郡舊冬已極豐登臘月雨雪今年入春以

來亦復雨雪但二三月雨水稍多幸閏三月杪至
四月初天時少霽臣親往各郊查勘禾秧遍插二
麥穗子飽滿據各鄉民稱麥子有九分收成禾苗
青翠所種俱各豐茂民間食米每石價銀八九錢
不等地方十分安靜四民樂業至臣所轄延平邵
武二府地方寧謐雨水霑足米價均平合併

奏明伏祈

皇上睿鑒謹

奏

覽

雍正十年九月十二日福建汀州總兵官臣朱杰

奏謹

皇奏爲據實奏

聞事雍正十年六月初五日臣齎摺家人回汀捧到積
硃批諭旨臣隨恭設香案望闕具奏伏祈聖鑒訓示
關叩頭謝恩伏念臣隨恭設香案望闕具奏伏祈聖
恩跪誦之下惶悚無地伏念言易行難臣賈賡人此
聖諭煌煌誠不易之定論第臣非敢爲空言也臣自任
汀以來經今六載竊見數年中米穀頗稱豐稔地
方頗稱寧謐營伍軍實頗稱齊備兵丁技藝頗稱

誠哉武夫如此自獎之奏從未見聞是乃幕

客愚弄汝也

大笑覽之

嫺熟臣之節槩頗見信於同官賞罰之公頗見稱於弁卒若不據實摺

奏尤非臣子無隱之義是以愚蒙冒昧上瀆

更可發一大笑

天聽若夫居官之道有爲不可無守有守不可無爲訓

練精而益求其精操守潔而愈求其潔此臣之夙夜殫精竭力詳慎始終而不敢須臾稍懈者臣雖駑鈍尚堪鞭策惟有凜遵

聖訓深自勉勵以仰報

皇恩於萬一耳臣查本年汀郡暨延平邵武地方夏秋雨水沾足秋成實有九分米價每石八九錢不等

殊批諭旨

七

朱杰

民人樂業地方寧謐再七月二十五日接署督臣
皇恩郝玉麟照會緣臺灣北路土番不法檄撥福寧鎮
望順標兵丁三百名往臺剿捕該處汛防亦關緊要合
就檄撥汀州鎮標三營內撥兵二百名前往福寧
分發貼防等因到臣隨卽轉行三營派撥戰守兵
丁二百名令左營右哨千總張朝任管押於七月
二十九日起程去訖合并繕摺具奏

奏伏乞

皇上睿鑒謹

奏

覽奏知道了

殊批諭旨

六

朱杰

民人樂業地方寧謐再七月二十五日接署督憲
郝玉麟照會綠臺灣北路土番不法機撥福寧鎮
標兵丁三百名往臺剿捕該處汛防亦關緊要合
就撥撥汀州鎮標三營內撥兵二百名前往福寧
分發駐防等因到省隨即轉行三營派撥戰守兵
丁二百名令左營右哨千總張朝任管押於七月
二十日起程去訖合符繕摺具奏外謹此奏聞
奏伏乞 聖鑒訓示謹奏
皇上睿鑒謹奏
賈泰映啟

硃批李秉忠奏摺

雍正六年二月十二日杭州織造臣李秉忠謹

奏爲恭謝

天恩事竊臣一介庸愚至微至賤由廣儲司司庫歷陞

內閣侍讀學士雍正五年九月荷蒙

聖恩超擢河南按察使赴任未久寸長莫效又蒙

皇上慈鑒以臣刑名事務未甚諳練著以按察使銜管

理杭州織造事務聞

命自天報稱無地臣自問何人膺此重任惟有竭盡駑

駘勤慎供職以仰報

硃批諭旨

李秉忠

皇恩於萬興耳所有感激微忱理合具摺奏

命謝謹辨無此且自問何人敢此重升封育啟盡驚
奏聖於此錄故事錄聞

今將爾調任蘇州織造矣勉力供職惟當以顧惜顏面
為務

雍正六年三月二十七日蘇州織造臣李秉忠謹

天奏為恭謝一介肅愚至謝至頌由寶齡同同車烈聖
天恩事竊臣於雍正六年二月二十二日准浙江督臣

李衛咨准吏部咨開奉於此錄故事李秉忠謹

旨李秉忠著調補蘇州織造仍兼理潯墅關稅務欽此

欽遵隨卽望不高昂小兒樂業毋敢上亂
闕叩頭謝水關味菜芥麥子其效益衆來可藝豐外
恩訖伏念臣荷蒙六年三月三日准舊御史臺
聖恩以按察使銜管理杭州織造事務任事未及一月
復奉六年三月三日准舊御史臺李秉忠
恩旨著調補蘇州織造仍兼滄墅關稅務臣聞
命自天報稱無地膺此錢糧重任惟有矢公矢慎竭誠
供職以仰報

皇恩於萬一耳爲此繕摺奏

謝謹

硃批諭旨

二

李秉忠

奏

竭力保全顏面莫負朕任用之恩但爾等包衣下賤習
氣率多以欺隱爲務每見小利而不顧品行辜恩者不
令其人卽爾奏中矢公矢慎等語朕亦未能遽信試勉
力行與朕看

雍正六年三月初三日蘇州織造臣李秉忠謹

聖奏爲奏
聞事竊臣於雍正六年三月初二日到蘇視事確查今
閏四春雨水調和菜花麥子俱甚茂盛將來可獲豐收
現在米價亦不高昂小民樂業毋煩上廛

聖懷所有二月分米糧價值并晴雨日期理合另摺開

報謹

奏

覽雨水調和情形深慰朕懷凡如此等之奏務須一一據實入告毋得絲毫隱飾卽地方一切事務及大小官員之優劣若果灼見無疑亦當據情直陳倘不慎密招搖炫露借稱朕之耳目擅作威福嚇詐地方則自貽伊戚也且不但本省宜然蘇州地當孔道爲四方輻輳之所其來往官員暨經過商賈或遇有關係之事亦應留心體訪明白密奏以聞織造鈔關雖兩處衙門皆無繁

勞辦理之處與其空閒無事何如於此等處留意莫愛
惜心力趨避利害一秉良心爲朕效力朕自然知悉若
惟徇一己之私容默自便及虛張聲勢分外多事亦不
能逃朕之照察也勉之慎之

雍正六年九月初六日蘇州織造臣李秉忠謹

奏爲

天威遠播事欽惟我

皇上治隆千古

功冠百王

聖文德覃敷洽深仁於異域并觀兩日熙聖合民暨開

武功赫奕凜聲教於殊方凡戴高履厚之區日出扶
桑之地無不遠奉

正朔爭效

享王乃有阿爾布巴等逆天背理侵擾西藏

皇上胞與爲懷赫焉震怒

特命大臣帶兵前往究察情由分別治罪一切機宜皆
預定於

宸衷勝算今渠魁已經就擒從此沙漠永清共樂昇平
矣臣接閱邸鈔不勝踴躍歡忭之至爲此具摺稱
賀以

聞謹

奏矣邪封閭閻途不阻輿輶趨赴之至爲此具附

此事仰賴全聚與之聯綿辭資此心鄭永壽共樂長平

上天垂慈竝

聖祖在天之靈默佑成功實非人力所強能者

奏事之摺留中赫譔責怒

天享同日又阿爾濟等徵天背野對對西蘇

奏竊臣保薦監察御史現在江南稽察錢糧伊拉齊

功前在此無不敬奉

養心殿造辦處與臣一處當差見其爲人謹慎操守

頗好才亦敏捷今稽查錢糧盡心料理辦事明白
堪勝布政使之任前任河南南陽府知府今陞江
寧糧道劉永鎮臣在河南時聞其在滎澤縣聲名
甚好後見任南陽府辦事勤敏刑名諳練操守亦
優堪勝按察使之任爲此繕摺謹

奏

此二人何待爾舉保朕素所知者聲名俱好劉永鎮居
心尚未悉其定向若肯向上造詣將來更當進益但少
覺虛僞耳

雍正七年二月初四日蘇州織造臣李秉忠謹

奏爲奏明商船阻淺事竊臣於雍正六年三月初二日到任徵收頭二三季正餘錢糧俱有九萬十萬十一萬不等悉按季報部矣惟第四季錢糧自十二月至正月兩箇月止收二萬九千兩有奇於正額尚未足數查現季錢糧短少情由悉因上年夏秋之交雨水不多民間又復戽水溉田是以稼穡豐收而河水淺涸日下又兼空艘南旋重運北上以致鎮江口至丹陽一路凡來往商船以及官員差使人等船隻停泊河干俱難行動甚有耽擱數十日方能進鎮江口者如遇重運阻淺又拏商船

望思起剝目今不但貨船不能到關致虧

國課卽糧艘亦多阻滯恐誤漕運理合據實奏

聞伏乞

皇上敕下漕臣暨督撫二臣如何設法使河路疏通庶
漕務不致有誤而課稅無虧行旅商民均有裨益
矣謹

奏

漕河阻淺殊未之聞商賈船隻或因重運北上不無耽
延阻滯耳

雍正七年三月初十日蘇州織造臣李秉忠謹

奏爲恭請

陞見以抒蟻悃事竊臣自雍正五年九月間蒙

聖恩超擢河南按察使赴任未久

特命管理杭州織造旋調蘇州又兼潯墅關稅務睽隔

天顏迄今幾近二載臣受

恩深重悚惶依戀更倍尋常今關差一年任滿共收正

星土餘錢糧三十五萬九千五百五十兩有奇除額解

同光銀十九萬一千一百五十一兩零盈餘銀一十六

萬八千三百九十八兩零現在彙解伏乞

聖恩

允臣赴京

陛見恭請

聖安則外任事宜旣得跪聆

聖訓微臣下悃庶幾少遂瞻依仰沐

洪慈於生生世世矣爲此具摺

奏請以

聞謹

奏

不必來京在任勤慎效力勝如無益之往返也諸如地方上風聞事件從未見爾陳奏一次此後亦當留心訪

詢但須慎密毋借此作威福於人若不能密不如不奏也必來京封封應酬校內部校無益文封封也請收此

聖奏超擢河南按察使赴任未久

閩嶺管理杭州織造旋調蘇州又兼清聖關稅務聯隔

天奏請以幾近二載受

其慈故主主世世突爲此具辭關差一年任滿共收正

聖旨諭聖主世世無幾少教訓對世世十兩有奇除額解

聖安順收封事宜預封銀銀十一兩零盈餘銀一十六

聖貝恭請千三百九十八兩零現在彙解伏乞

京師扶京

硃批喬于瀛奏摺

皇上雍正二年十一月初七日廣西右江道臣喬于瀛

謹

奏爲恭謝

天恩事竊臣由縣令行取陞授部郎仰蒙

皇上特恩補授右江道員於雍正二年六月初四日跪

奏

聖訓誥誠周詳勸勉兼至又奉具摺或附李紱或附韓

良輔之

恩旨又

硃批諭旨

喬于瀛

賜三月三日

御製詩墨刻并香珠貂皮茶葉錠子等物當卽叩頭謝恩祇領併周青燭煥兼至又奉具附返州李蘇如州韓

奏明初六日起行臣遵於是日出京前赴粵西於十

皇十月初十日先至桂林府巡撫衙門恭傳邸四日跪

皇上面授由總令行規對暗順心業

聖諭十六日抵臣駐劄之柳州府又先至提督臣韓良

輔衙門恭傳

皇上面授二平十一日抵臣駐劄之貴西古山前臣喬千歲

聖諭隨於本日到任受事訖臣謹遵

旨繕摺恭設香案望
闕叩頭敬附提臣韓良輔處進呈
奏謝伏乞
皇上睿鑒謹
知道了凡事不可越分慎之母忽

同日又

奏爲奏

聞事竊臣於雍正二年六月初六日自京起行凡旱路
所見高下地畝仰賴我

皇上洪福雨水霑足禾稼茂實臣於江西湖南二省水路經過地方沿途歷問雨水情形收成分數米糧價值據各鄉民俱稱六七兩月沛有甘霖近水之田收成約有九分上下其餘山阜之區亦俱有六七分不等每米市斗一斗有賣至七分以內者亦有賣至八分以外者其桂林府屬與臣駐劄之柳州府屬亦自六七月時沛甘霖至八月又得微雨奏統計收成約有八分米價每市斗五六分內外不等再臣由江西湖南至粵每過地方買取食物舖戶小民卽問帶有雍正制錢情願以一當十隨問

此間曾否有無僉稱從未見過其懽欣欲得一見之輿情在在如同一轍臣目擊此等情形不敢壅於

上聞可否

特頒諭旨飭部行令各省督撫就地所有之銅觔酌量購買鼓鑄給發舖戶兌換民間與康熙制錢搭配

行使以慰億萬姓仰慕

各省開爐鼓鑄已詳議數次矣何明知而多此一奏耶

聖天子雍正制錢之願不啻慶溢普天益切懽騰徧地矣除臣右江道所轄三府一切事宜與土民苗獞情形如有應

奏之處容臣查訪切實另摺具

奏外所有前項各情由理合奏

聞伏乞

皇上睿鑒施行謹

奏

所奏俱悉地方諸務應詳者呈詳上司而行不得瀆奏
不可借此逞挾制之私凡關密達之事毋露一字干係
爾身禍福不輕須慎之又慎

雍正三年五月十三日廣西右江道臣喬于瀛謹

奏爲恭謝

聖恩高厚無疆微臣感戴弗諉事竊臣蒙

皇上賜發

硃批臣奏摺到粵隨出郊跪迎至署恭設香案望

闕叩頭密啓敬讀仰見

聖主恩深教誡彌摯臣不勝感激惶悚之至臣嗣後斷

不敢一事稍有越分應詳上司之事臣斷不敢越

分瀆

奏亦不敢借此挾制上司至於密

奏之事臣蒙

皇上何等

硃批諭旨

隆恩斷不敢一字輕露自蹈萬死之罪又蒙

御批慎之又慎之各情由理合奏

訓旨臣嗣後愈加敬凜斷不敢一事一刻不小心謹慎

皇上致負施行謹

皇上教誡之事餘有缺欠熟精土同之事臣猶不煩

聖恩理合恭摺陳舉並不細瀆懇望聖訓之至臣聞外

關奏謝臣仍就近附於提臣韓良輔處進呈伏乞

睿鑒謹奏附臣韓良輔處進呈伏乞

皇奏題登三年五月十三日廣西右江道臣喬于瀛謹

知道了朕非不令爾奏達地方情形但務慎密爲要爾

本任內事既有上官不應擅專何可越分陳奏其不干爾之事無論本省隣省凡有所見所聞只管據奏以廣朕之耳目卽風聞不甚的確朕亦原恕不加譴責也

閏九月又

奏爲奏明事竊臣屬柳州慶遠思恩三府民止什分二三半係土著半係流寓猺獞狔狔狼苗獠蠻各種之人居其七八凡有具控官司之事非稱礮火刦殺卽稱黑夜燒擄皆因積有讐隙臣屬所謂盜賊諸如此等情事爲多若必繩以法律恃險抗拒差莫能拘勢必動兵未免騷擾殊非地方之福臣

粵西蠻野

念此輩愚蠢無知情屬可憫時與屬員共勉開導

然置於度外耶

使之稍知感化能近情理不復生事以庶幾仰副

皇上愛育羣黎併委任地方之至意再臣屬之三府米

價倉斗每石銀五錢內外不等冬春至今約畧相

同又入春至今雨水調勻田疇優渥民俱樂業預

奏慶有秋合併奏聞伏乞聖恩三刊另北升食

聞伏乞

皇上睿鑒謹風聞不甚仰祈恩賜不勝禱禱

奏事辦館本省劉省凡有恩恩恩恩恩恩恩恩恩恩

所奏四摺一摺留中矣熟讀事何可越矣刺奏其不干

奏雍正三年十一月十四日廣西右江道臣喬于瀛

謹日又

奏爲奏明事竊臣於本年七月起至九月遵照撫臣
李紱檄委盤查柳州慶遠思恩三府屬各州縣倉
穀所歷程途千有餘里經過村莊煙戶稍多之處
無論民徭以及堡目團練鄉勇村老必傳集當面
宣揚

皇上愛養之

聖德靡不歡忻忭舞俱稱願作好人嗣後總不爲匪犯
法臣旣目覩此等情形不敢壅於

上聞再臣凡有關係地方民生之事應詳督撫者臣卽
聖慈備具情由詳請酌奪所有臣奉到
硃批奏摺臣俱封固親齎赴省交與撫臣李紱轉

奏外此次

奏摺仍就近附於提臣韓良輔處進呈必期稟當面

御覽謹

奏空餘懃委盤查

知道了勉力循分盡職莫務奔競

奏同日又

奏爲土民之禮義非讀書莫啓請立土官勸懲令民

奏一體力學應試以廣

皇仁以隆文教事竊臣查粵西土府州縣土民禮義鮮
知不通文理總由土官平日願其愚不樂其智竝
不令民多讀書稍通文理誠咎不在民而在於土
官也臣愚請嗣後土府州縣土民子弟俱責土官
實心令之力學如五年以內卽有童生應試者該
土官錄送由府轉送學臣考試十人之中量取一
名其新進童生除土屬建有學宮設有教職之處
卽歸本學外其餘俱先附該管之府府學俟人文
漸盛照地方大小酌定名數建設學校另選教職

至於初次新進童生一名及初次中式舉人一名
進士一名者將該土官分別議敘示勸如五年以
外並無童生應試十年以外仍無童生應試者將
該土官分別議降示懲俟有童生應試進取之日
分別開復如此則土官咸惕於勸懲而民皆得沐
浴於詩書人人知有禮義矣土爲土屬人心風俗
起見不揣冒昧恭摺密陳謹啓不宣另而查土
奏是否有當伏乞由土官平日觀其愚不樂其習並
皇上睿鑒施行謹繇查粵西土司世綽土司暨
奏

此事應與爾該督撫商酌直據所見而言勿云曾經奏過

同日又

奏爲奏

聞事竊臣屬柳慶思三府屬各州縣併新奉改之直隸賓州所屬各縣地方今歲高下地畝早晚禾稻收成實在有六七八分至九分十分不等惟柳州府屬之象州因七月間大雨田疇微有被淹之處收成稍歉實止五分其現在三府一州所屬地方新穀每倉斗一石價銀二錢三四分至二錢七八分

不等紅白糙熟各色新米每石價銀五錢至六錢
內外不等又查各屬棉花收成亦有五六七八分
不等至於早禾收割復栽蕎麥豆子亦俱有收所
有臣屬今歲地方收成仰賴

皇上洪福民食民衣兩俱有藉卽象州收成稍歉而地
處近水船運往來貿易米穀價平民間亦不致有

困苦理合一併奏

聞謹

奏

覽所奏收成分數米糧價值知道了百凡總宜據實直

陳母稍粉飾

雍正四年五月十六日廣西右江道臣喬于瀛謹

奏爲遵

旨商酌事竊臣前恭摺密

奏請立土官勸懲令民一體力學應試以廣

皇仁一摺奉到

皇上硃批諭旨臣卽遵

旨與督撫兩臣商酌竝不敢聲言

奏過情由督撫兩臣俱令臣詳到核奪臣於本年三

月二十五日備文分詳督撫聽候核奪訖所有臣

遵

旨商酌情由擬合據實具奏

奏明

謹兩臣商酌並不煩羣言

皇

奏

看汝光景不似不聲言人也

奏同日又

奏爲奏明事竊臣准布政司臣黃叔琬照會遵照撫

臣汪滢批委臣監收潯州廠稅臣隨自柳州起程

赴潯於本年四月二十日接管任事所有應抽貨

稅俱照原定稅例竝從前各經管酌減分數公平

抽收斷不敢苦累商民致負我

皇上恤商愛民之

聖恩至於每月抽收稅銀務俱儘收儘解斷不敢苟且
營私自干罪戾俯俟每月收有成數臣當逐一據
實密

奏擬合

奏明伏乞

皇上睿鑒施行謹

奏

於具奏不敢營私之時業既營私矣爾之聲名不好亟

宜小心不煩營謀之報業預營謀笑爾之輩各不執應

奏請情由擬合據實

皇上睿鑒誠計

奏即分

奏謝合不似不聲言人也

實密

營謀自于罪莫謝對其外有為嫌而當殺一

聖恩至然其且此如無難其盡外盡無不煩荷且

皇上恤商愛民之四月二十日接管任事所有應抽貨

此如無不煩苦累商民延負其管的減分數公平

硃批禪濟布奏摺

雍正二年閏四月二十一日巡視臺灣御史臣禪

濟布臣丁士一謹

奏爲恭謝

天恩併報微臣接任日期事竊臣等奉

命巡視臺灣於雍正二年二月初六日恭請

聖訓仰承

天語諄切敢不力圖報稱於四月二十五日至福建省

城於閏四月二十一日到臺灣臣等恭設香案望

闕叩頭謝

硃批諭旨

禪濟布

恩前任御史臣吳達禮黃叔璥口傳

硃批伊等奏摺將數年經歷民情土俗一切地方事宜
天備悉令新任知悉欽此臣等跪聽之下感激難名惟
聖賡有勉竭駑駘益加策勵以上副我

皇上委任至意至一切事宜容臣等細心諮訪次第入

告外理合具摺恭謝日陳事錄臣等奉

天恩謹恭摺

奏齊市里丁士一勤

知道了汝二人勉思盡力毋忝厥職應奏聞之事絲毫
莫隱據實入告

雍正二年六月初四日巡視臺灣御史臣禪濟布

臣丁士一謹

奏爲奏

聞事竊據臺灣府知府高鐸報稱本年閏四月二十七
皇上有琉球國番子小船一隻內番子一十六人被
風飄至澎湖業經澎湖副將陳倫炯解送提督轉
遞到省等因臣等隨飭該地方官加意撫恤去後
又據臺灣府報稱據諸羅縣申稱五月初七日外
海有雙桅船一隻被颶風飄泊至八里坌地方係
中山國琉球番船內番男番婦共二十八人奔投

恩前上岸船卽擊碎飄散無存解遞來府轉報到臣衙
門臣等會同鎮臣及該府當令臺協弁員伴送厦
門交提督轉遞到省聽督撫二臣優恤安插在案
臣等隨捐給銀米併飭該地方官沿途保護毋致
失所以仰副我皇上懷柔遠人之至意謹將一
皇上懷柔遠人之至意謹將一隻內番干一十六人
開奏
荒外遠人理應加意存撫以示中華廣大之仁

雍正二年六月十五日巡視臺灣御史臣禪濟布

臣丁士干謹具疏四日巡視臺灣御史臣禪濟布

奏爲恭報雨水田禾地方情形事臺灣氣候物產與內地不同種早稻者少雜植菁麻豆蔗栽插晚稻在五六月之交於閏四月二十八九等日連得大雨五月及今甘霖疊沛所種早稻菁麻豆蔗俱極茂盛晚稻悉得及時栽插現今穀價每石三錢五六分米價每石八錢二三分全郡大槩相似地方安靜民番樂業文武各官悉皆和衷辦事合併奏

聞謹

奏

和衷二字最爲官箴之要倘有意見不同處秉公據實

密奏不可匿怨而友尤不可徇友誤公

奏 雍正二年八月初四日巡視臺灣御史臣禪濟布

臣丁士一謹

奏爲奏報颶風情形事臺灣於本年七月二十三
四等日大風雨非常迅烈臣等親身查勘附近里莊
草房間有倒塌雖早稻吹損幸臺邑佈插無多晚
稻出水二三寸許竝未摧折臣等隨差員分頭星
往南北二路查勘鳳山縣屬早稻被風之處與臺
邑相同晚稻無損自諸邑北至彰化縣風雨俱不
甚迅烈至於被風兵民房屋及各港口擊壞商哨

船隻臣等飛飭各該地方官弁逐一確查詳報督

撫臣據公同郵商駁無阻工料甚繁壘土又必

題達外所有颶風情形理合具摺奏報以

聞謹

奏

往返萬里惟憑一紙之奏總宜據實爲務

雍正三年三月十六日巡視臺灣御史臣禪濟布

謹

奏爲奏

聞事竊臣一介庸愚蒙

硃批諭旨

四

禪濟布

皇上天恩

特命巡視臺灣海疆要地時切冰兢惟思勉竭駑鈍仰

報

皇上高厚之恩於萬一茲臣查閱郡治自荷

國恩休養至今生聚日繁閭閻稠密而背山面海一

望曠遙既爲四方雜處之區乃無一尺藩籬之衛

姦良來往不易稽防倉庫監獄更關重大臣再四

思維與陞任御史臣丁士一鎮臣林亮臺廈道臣

吳昌祚公同確商建城則工料浩繁壘土又沙浮

易陷臣等籌酌樹以木柵其基三面環山周經一

千八百丈每丈木植釘鐵灰土人工料估用銀四
兩木長一丈六尺下栽四尺用石灰沙泥填築木
杪上頂釘以鈎釘用木板上中下橫連三道釘固
每隔四十丈蓋小望樓一座上安礮位撥兵支守
於要衝之處開闢四門各築門樓安設礮位木柵
之西兩頭俱抵海邊各設礮位千把總輪值以司
啓閉以固屏障臣與丁士一林亮吳昌祚暨各文
武弁員皆協力公捐復據閩郡紳衿士庶人等相
率環署籲請捐輸又據臺灣縣知縣周鍾瑄詳同
前由士民皆懽欣踴躍自一二尺起以至一二丈

不等樂願捐備竝無抑派今據臺廈道吳昌祚擬
擇本月二十七日興工仍經報明督撫專委臺灣
縣周鍾瑄親董其事經理收支召匠購料工完造
冊報銷外所有建築木柵情由理合繕摺奏咨文

聞謹

奏

兩年以來臺郡文武官弁與禪濟布等俱能實心任事
卽此建築木柵一事籌畫甚屬允妥深爲可嘉將摺內
有名官弁該部議敘具奏

同日又

奏爲恭摺
聖德覃被無疆生番歸化日衆事前據陞任臺灣知府
高鐸招徠北路山前巴老遠社等四社又據臺廈
道吳昌祚招徠捌里岡卑南覓等六十六社歸誠
俱經

題報在案今據該道報稱又招徠南路生番猫仔等
社土官妹羅裙新蟯老務等三十五名經地方營
縣差員伴送來府并齎獻戶口冊內開猫仔社紹
勝釐社等一十九社前來歸化等情到臣隨會同
鎮道暨各文武弁員宣布

皇恩徧加獎賞令通事人等伴送各番回社飭令地方
官加意撫綏嚴禁擾累俾各安居樂業外其戶口
冊籍聽督撫臣會疏覆核以口冊內開辦各土
題報所有生番歸化情由理合具摺奏各
聞謹將立案今
奏具

覽奏生番歸化已悉更聞生番有傷人之事爲何不行

奏聞

高
聖
奏
同日又
奏爲恭報得雨日期事竊據臺厦道吳昌祚報稱臺

臺灣府屬四縣地方於二月十二二十九二十一等日
俱得雨八九寸不等本月初二初三十三等日又
雨四野霑足各處芒蔗芝麻雜糧早稻已經及時
栽種春花黃豆大小麥等項俱各豐收到臣臣覆
查無異此皆仰賴我

皇上洪福民番樂業文武和協地方安靜理合具摺奏
聞謹

天奏

據奏臺郡雨足麥熟深慰朕之遠懷

雍正三年五月初四日巡視臺灣御史臣禪濟布

奏爲恭謝

天恩事竊臣蒙

皇上特簡巡視臺灣迄今一載凜惕彌深常憂隕越今

皇上接到都察院劄付恭沐

天恩俾臣再任昔年臣聞

命自天惶感無地惟有益勵冰兢以圖報稱臣又接兵

部來文於鎮臣摺奏生番歸化事敘及臣與丁士

吳昌祚等欽奉

御批林亮等從優議敘疊荷

聖恩直同覆載伏思生番來歸實惟我

皇上恩溥德洋以致遐方慕義輸誠卽捐賞招徠亦鎮

道臣共謀協力克宣

德威臣無毫髮之功而濫叨

賞格清夜問心實深愧悚伏乞

皇上俯鑒愚誠留此

殊恩以資有功庶犬馬微忱得以自安爲此繕摺恭謝

天恩謹

奏

但能將地方諸務殫心糾察共相經理事事據實上達

勿隱則居之無愧何不安之有勉力爲之事

奏
雍正三年九月初九日巡視臺灣御史臣禪濟布

給事中臣景考祥謹

奏恭請

皇上聖躬萬安

朕安風聞爾等臺灣文武不和諸事互相掣肘果若此
於地方甚無益兵民胥至受累朕殊爲此厯念如有則
改之無則加勉倘被朕訪知的確降旨譴責爾等其將
何詞解免耶

同日又

奏爲恭報雨水田禾情事竊今歲臺灣自春月卽
有雨澤入夏以及七八月以來雨水連綿四境沾
足所以田禾之盛逾於往歲民間早稻已登雜植
菁麻豆蔗俱獲豐收皆我

皇上深仁至德感召

天和因而雨暘時若百姓盈寧也理合據實奏

聞謹

奏

據奏收穫情形深慰朕懷

同日又

奏爲海神效靈懇頒

宸翰以昭崇報事臣等聞前靖海將軍臣施琅征服臺灣之時舟師戰於澎湖隱隱有神兵助陣是日海神天妃廟中見神像皆有汗下大軍旣集島中乏甜水臣施琅禱於天妃廟移時水泉溢出足供數萬人飲及至臺灣之鹿耳門乃全臺鎖鑰僅容一舟止可魚貫而進乃潮水驟長五尺益以順風舟師聯帆直入遂定臺灣經臣施琅恭疏具題

聖祖仁皇帝敕建天妃神祠其原籍興化府莆田縣湄洲

奏勒有遊雨水田禾計畝事竊今歲臺灣自春日

敕文以紀功德隨又加封天后康熙六十年臺匪竊發
其時水師臣藍廷珍林亮等率師至鹿耳門水亦
驟長舟師揚帆竝進七日克復全臺此天后屢顯
靈異以勦耆定之績者也臣等竊見復臺以來凡
大小臣工片績微勞俱蒙

寵賚況天后之靈感昭昭在人耳目臣等仰懇

聖恩親灑

宸翰製成匾額臣等請恭摹爲三一奉於天后原籍

聖祖敕建之祠一懸於廈門鎮祠中一懸於臺灣府祠中

不特海神增光俎豆翼戴無疆且使梯山航海負

氣含生之衆無不就日瞻雲共仰對林山旅武貢
天顏於咫尺矣爲此恭懇
聖恩伏乞
睿鑒施行謹

國家崇德報功人神一理該部查議具奏

雍正三年十月初七日巡視臺灣御史臣禪濟布

謹

奏恭請

皇上聖躬萬安

朕躬安覽爾所奏之事咸係爾職分中應奏聞者一切
悉照此秉公無隱甚屬可嘉殊爲不負朕之任用也爾
本係一誠慤謹慎之人諸凡就此誠實本分一邊行去
自無差謬切毋稍涉欺飾弄巧反成拙也勉之

同日又

奏爲恭謝

天恩疊錫事竊臣於生番歸化事蒙

恩議敘加級又臣籌臺灣府治建築木柵事與陞任御

史臣丁士一鎮臣林亮臺廈道臣吳昌祚等公議

協同具摺奏

硃批諭旨

十一

禪濟布

聞欽奉

御批將摺內有名官弁該部議敘具奏欽此跪讀之下

頂踵難酬臣何人斯獲遭

隆遇至此惟有朝夕與臺灣文武各官互相勸勉共矢

冰兢揆日課工務求堅固撫番保庶益躋熙皞以

樂昇平庶竭犬馬之微勞上報

高深於萬一理合繕摺恭謝

天恩謹

奏

覽爾奏謝知道了爾等官名監察顧名思義凡事秉公

一無阿徇乃職分當然但以無隱爲要勉力爲之至於
密摺奏聞之事在朕斟酌偶一宣露則可在爾旣非露
章惟以慎密不洩爲要否則大不利於爾而亦無益於
國事也其凜遵毋忽

雍正三年十月十六日巡視臺灣御史臣禪濟布
給事中臣景考祥謹

奏爲恭報地方收成穀價仰慰

聖懷事竊臺灣自二月初旬至九月將盡雨澤從未欠
缺十月內禾稼盡登十分收足誠爲大有之年目
下臺灣府治穀價每石三錢三四分不等鳳山彰

化二縣每石三錢諸羅縣每石二錢六七分商民
人等無不歡欣鼓舞理合據實奏為大府之幸日
聞至於建築木柵之事於十二月初旬必能完工俟工
竣之日另行摺奏據實奏為大府之幸日
奏合并聲明謹奏
奏五三
據奏全臺年豐穀賤大慰朕懷

同日又
奏為據實陳情仰邀
天鑒事竊臣禪濟布前奏生番歸化一摺奉到

硃批聞生番有傷人之事爲何不行奏聞欽此臣等查得本年二月十九日臺灣之羅漢門地方有汛兵林觀董廣楊捷賴雲齊歡等五名奉差至坑口伏路林觀董廣夜遇生番鏢傷斃命楊捷等三人執械相持幸有巡夜兵丁接應殺死生番二名餘番逃竄拾得鏢箭具報諸羅縣立即差押通事拏獲兇番四名通報在案臣等卽欲奏

聞緣查閱舊案生番傷人前任御史臣吳達禮黃叔瓚皆未陳奏俱由地方官照人命例審擬

題結臣等一介庸愚蒙

皇上委任其有利弊所關督撫提鎮未及奏陳者敢不

據實奏

聞至於人命盜案等事地方官自當照例具報黃昧難
題臣等何敢冒昧輕瀆

聖聰臣等已與鎮臣道臣并府廳縣公同商酌務將就
近一帶生番之爲民害者或用招撫或用剿捕必
審時度勢謀出萬全尚未敢輕動也今蒙三人

皇上天語垂問謹將生番傷人情節及臣等愚悃據實

陳明伏祈

聖鑒謹

奏
生番乃未沾王化之人爾等相機隨宜招撫則可剿捕
必致戕害生命有傷
天和不可輕舉妄動也

雍正三年十二月初二日巡視臺灣御史臣禪濟

布謹

奏為

聞事竊臣去歲閱視臺灣鎮協水陸操演半係新換兵

丁俱屬平常隨飭訓練至本年十一月十六日鎮

臣林亮知會臣暨道府縣驗閱陸師大操計三營

額設馬步戰守兵二千七百名除分防各塘汛撥
守各營盤及各官隨丁并先到馬兵除分撥南北
三營外現在馬兵一百二十名步兵一千六百名
奏本日合操馬步各兵軍火器械頗皆諳熟步伐止
齊俱各有方時卽嚴飭臺協將領悉照陸師勤加
操演俾其平地熟習則戰艦施演自無倉惶失措
之虞其澎湖協營向例臺屬文官一員看操兩載
未有具報臣并商鎮臣飭行澎協按期操演至明
春大操照例報知合將臺鎮陸師情形據實奏
聞至於臣前奏請酌撥內地四十三營馬兵三百名防

臺經商鎮臣委員到廈看驗如有廣馬騾馬以及不堪者發回更換務要臚壯足額以濟實用現在催趲前來俟齊足之日另行具

奏合并聲明謹

奏

覽奏朕深爲嘉悅三年以來聞爾聲名頗好所以兩次留爾巡臺近日景考祥叅奏爾之過咎爾今又叅伊之款蹟事難臆斷只得令爾赴省與景考祥對質自然水落石出皂白判然矣

雍正四年二月二十一日巡視臺灣御史臣禪濟

布謹四辛丑二月二十一日發順臺營騎史張輔

奏恭請曰朕然矣官隨丁并先到馬兵除分撥南

皇上聖躬萬安朕再會爾扶登果是去無機實日然本

朕安所事閱爾奏摺始洞悉原委不然則舛錯至不可

問矣朕今即交與高其倬審理爾但坦懷勿慮致有冤


抑也所幸者有此一奏否則朕亦幾被所愚設或審理

時少涉枉屈朕必調爾等來京親加覆鞫以定是非曲

直對歡前來斜齊吳之日吳行具協校期操演至明

不掛齊發回更辦絲要細根吳醉以實實用更并

問臺營商賁出委員匪圖音錫收育萬思懸思以又



御製

恭惟

皇上聖明

順安所賦詩詞安用賦詩感念皇上聖明則外備至

臨製此詩即其與高麗和旨厚備體段懷德澤有

抑也所至皆有此二本蓋因賦在聖朝所題故取

時序涉佳既勝於前等京京親加溫潤以足莊

重

